

FRIULI D'OGGI



ORGANO UFFICIALE DEL MOVIMENTO FRIULI

Luglio - Agosto - Settembre - Anno XIV - N. 6-7-8 - Quindicinale - una copia L.300 - sped. in abb.post. gr. II / 70 / - c/c post. 24/4581
Abb. annuo L. 5.000 - sostenitori L. 10.000-

IN QUESTA EDIZIONE DI FRIULI D'OGGI TROVERETE PUBBLICATA UNA PROPOSTA DI DISCUSSIONE PER IL CONGRESSO DEL MOVIMENTO FRIULI IN PROGRAMMA A UDINE IL 22 E 23/12/1979 - VI TROVERETE DELLE PROPOSTE ANCHE PROVOCATORIE FATTE PER STIMOLARE LA DISCUSSIONE NELLE ASSEMBLEE DI ZONA CHE SARANNO LE MATRICI DELLE TESI DEFINITIVE PER IL CONGRESSO.

Proposte di telar dal referat politic pe discussion pal Congress M.F. dal 22 e 23-12-79

I LINIES GJENERALS DI STORIE DE NACION E DE QUESTION FURLANE

I-1 (U) LA DETERMINANTE DI FONDE DE QUESTION FURLANE

I-1-1 La determinante di fonde de question furlane te storie dal Friül a è:

- 1) la impuartance strategjiche-militar dal teritori furlan pes formacions statals di soreli bonât (ocidentals)
- 2) el condicionament dal teritori furlan de bande des stesses formacions (Imperi roman, Imperi franc, Imperi Gjarmanic, Republiche di Viniesie, Imperi asburgjic, Regn e Republiche taliane, Sisteme ocidental), che lu àn cjàpât dentri sui lôr confins a soreli jevât (orient).

I-1-2 Les institucions, j rapuarts di classe e les classes, la culture e les ideologies in Friül a restin segnades di cheste situacion di condicionament, che e lasse simpri mancul pussibilitâts a les fuarces nacionals furlanes.

I-2 (U) FASES STORICHES A LA GRUESSE

I.2.1 FASE ROMANE. El teritori furlan al jentre tune institucion statual. La impuartance comercial e militar di Aquilee e fas nassi une culture latine che si incalme su ché celtiche cjargnele preromane. Si metin les fonde de nacionalitat furlane.

I.2.2 FASE POST ROMANE E PATRIACJINE. Si dan dongje les carateristiche nacionals furlanes, la nacionalitât furlane, impar di chesatres romanges. In Friül si institucionaligin i rapuarts feudâj che a restaran tes lor formes derivades fin a cheste ultime uere dominants tes strutture economiche e socials furlanes. El Friül al é une marcje dal Imperi franc, e un feud di impuartance strategjiche dal Imperi gjarmanic. La struture dal stât feudal e permet, ançe te dipendence, grande autonomie. Si trate de ete di massime independence institucional dal Friül, e par consequence di grande sfloridure des sôs carateristiche nacionals. Ma la opresion feudâl tes campagne e reste fuarte, no rive a formasi une borghesie furlane avonde fuarte par contentâ les dibisugnes dal stât patriarcjin, e cussi si clame une borghesie foreste e si cir di judâ la formacion di une borghesie de bande des autoritâts. Les carateristiche di une borghesie simpri sostegnude da les institucions e debule par jessi uindipendente, a restaran par simpri.

I.2.3 FASE DAL COLONIALISIM VENECIAN. La Republiche di Viniesie par resons di politiche militar cuintri les formacions statals orientals e ocupe el Friül.

Al scomence el sfrutament des risors matereals e umane dal teritori furlan.

Les institucions a son colonials, controlades de Republiche.

La culture furlane che puess vé carateristiche nacionals masse fuartes e vegn dispierdude e venetizade.

Si formin sore les classes popolars classes nobiliars e borgheses venecianes o furlanes dipendentes e debules. El colonialisim venecian al puarte el Friül taj destins coloniaj talians.

El Friül orientâl (Gurice) al cole sot dal Imperi Asburgjic e al reste fin al 1918. Cheste porcion di Friül e gjoldara di plui autonomia in te vite cultural e politiche che no chealtre sot Vighiesie, ançe se si tratarà di une situacion dulâ che a restin les strutture feudals tes campagne.

- 1.2.4 PARENTESE FRANCESE E ASBURGICHE.** La Rivoluçion francese e dismov idees liberals te debule borghesie furlane cjapade dentri tes strutures economiches feudals e contadines che le scafoin. L'Austrie e intind di mantegnî fers j rapuarts feudaj e la reacion de borghesie furlane a e che di poâsi a la rivoluçion borghese dal resuriment talian. A é masse debule par vê cur di pensâ a une independence nacional furlane.
- 1.2.5 FASE DAL COLONIALISIM TALIAN, FIN DASPO' LA SECONDE UERE MONDIAL.** La borghesie furlane e sperre: 1) di ricevi fuarce dal liberalisim talian sore les strutures e les fuarces feudals (nobiltât et cleri) - 2) di otegni autonomie sul so teritori, par rinfuarcisi di bessole. La autonomie che domande e vares di jessi la compensacion (Pacifico Valussi) pe sò talianetât. La borghesie furlane e interprete e sburte el nacionalisim talian imperialistic di espansion taj Balcans (politiche adriatiche) sperand che el teritori furlan al cjapi impuartance e che cussi a je stesse j spieti di dirigi la espansion che si a dite e di gjavandi profit. Al nass el nacionalisim talian de borghesie furlane siovinist, antislav, militarist. Ma les dibisugnes dal nacionalisim talian, el militarisim, a jentri in contradicion cu la dibisugne di autonomie sul teritori de borghesie furlane inludude. La prime uere mondial, les sclavitûts militars di ogni sorte, a distrugin la puare industrie furlane apene scomençade e a tornin a puartâ il Friûl te economie agrarie e semifeudal te ete dal fasisim. Ideologicamentri e culturalmentri la borghesie furlane e reste leade al nacionalisim talian traviers les formes di furlanetât che e institucionalige la societât filologjiche furlane, fondade dal 1919 ultranacionaliste taliana e fassiste: al nass el mît de piçule e de grande patrie, un compromess ancjemô une volte tra la dibisugne di independence de borghesie furlane e j paradors dal nacionalisim talian. La furlanetât gjumestade de borghesie furlane a é ancje la rispueste al pericol di un nacionalisim furlan che tes lotes proletaries daspò la prime uere al veve scomençât a fasî sintî butand la idee di une Republiche furlane.
- 1.2.6 RESISTENCE E AUTONOMISIM DASPO' LA SECONDE UERE MONDIAL.** Les fuarces plui cussientes des classes popolars furlanes ân combatut ta la Resistance, ma la idee nacional furlane no á rivât a vegnî fur, standche j partits talians che le dirigevin si confrontavin su questions di politiche social e internacional che no lassave puest a la Question furlane. La piçule borghesie catoliche e el cleri furlan a fasin nassi une gnove sorte di autonomisim, che pe prime volte al definiss el Friûl la tiere di un popul tal passât e oprimût te storie. E domande la region Friûl, ma j condicionaments de politiche internacional, la politiche daj blocs, no permetin che nassi se no la region Friuli-Venezia Giulia, che sarâ istituide cundiplui dome tal 1963. El Friûl al jentre sot de ombrene de NATO, fuartin dal sisteme occidental. El condicionament militar al devente plui fuert di simpri parie cun tune ideologie dominante sioviniste e anticomuniste.
- 1.2.7 FASE DAL NEOCOLONIALISIM.** In Friûl a scomencin cu j agns sesante a jentrâ j rapuarts di produçion capitalistics, adimplen. Dal sfrutament des risorsas umanes (emigracion) e materials dal teritori, si passe al sfrutament dal lavor, par gjavândi profit, sul tess teritori, seond les lecs dal neocapitalisim. Si spand la preçince dal capital talian e no talian. A saltin j vieris rapuarts tes campagnes, che a son bandonades. A si slargjins in Friûl les cjadenes economiches e institucionals dal imperialisim. Les classes dominantes furlane si lein simpri di plui cu les institucions colonials e chês popolars a son savoltades. La Region Friuli-Venezia Giulia e á la funcion di guidâ sul teritori cheste gnove fase. La presince dal stât neocapitalistic e passe traviers la Region, e la classe politica triestine, traviers la unitât regional, e controle che les institucions no permetin nissune autonomie furlane, e che no si indaredi lavore di racionalizacion neocapitalistiche dal teritori nacional furlan. La piçule borghesie di campagne, il cleri, rots j vieris rapuarts, colade la leature de viere culture contadine, a tornin a resurî il autonomisim, par pratindi ancje lôr une funcion tes strutures socio-politiche s dal Friûl. Ma a capissin che no si puess rivâ a ju obietivs cencie vé un Friûl autonom e cencie fá une politiche anti-institucional. Si rinfuarce e si fonde la idee di une nacion furlane parie cun tune Question furlane di risolvi. Intant a restin dutes les cjadenes ideologjiches, institucionals e economiches di simpri.
- 1.3. J SOGJETS POLITICS DE ETE DU CUMO'.**
El Moviment Friûl al met jû un judici suj sogjets politics che a operin in Friûl in di di uê daur di tre categories di analisi. J sogjets politics che a operin in Friûl a puedi jessi: 1) organizacions di classe, operaries, e no; 2) par une integracion necessarie cul mond politic, cultural institucional e economic talian, o cuintri une integracion di chê sorte; o ancje: no nacionalitars furlans o plui o mancun nacionalitars furlans; 3) par une conservacion des institucions che cumó a cjapin dentri el Friûl, o par une lôr modifich di plantefur, institucionaliscj o no institucionaliscj.
- 1.3.1 'GLESIE FURLANE.** A é une organizacion no ben definide, fate di un grop di predis che a vegnin fur de tradicion autonomiste furlane. A viodin el popul furlan dutun e no tes sôs contradicions internes di classe; par risolvi la Q.F. al baste lotâ p a l p o p u l f u r i a n, cence definî la posicion des classes dentri dal popul furlan, e cence scielgi une o plui classes par lotâ cuintri atres che a podaressin jessi cuintri la solucion de Q.F. La opression dal Friûl e á dome causes esternes, e une volte eliminade la opression esterne, a tornaressin fur chêj valors e t n i c s dal popul furlan che a son independents des classes e de dinamiche de storie, e che une volte tornâts a liberâsi, a risolveressin dutes les questions internes dal Friûl. A son valors etnics furlans e ne la sielte di un sogjet di classe (les classes popolars par esempi) che a puedin risolvi la Q. F. Cheste posicion, derpand un tirmin, le definin etnopolitiste. No son de bande de Italie. J talians a ân puartade opression e so redut l a p o l i t i c h e, che a é stade la corucion daj valors etnics furlans, sei che a sedin j talians dal Stât talian, che j talians dal Vatican.
Al é el mond de Mitteleurope (che par G.F. si identifich cu j todescs) che al parfariss el model cultural, social e politic plui adât pal Friul.
A son cuintri les institucions che o vin, imprest de dominacion taliane, sei che a sedin civils, sei che a sedin glesieastiches, e a son cuintri duc j partits, so redut di çampe e a son par une Glesie furlane institucionalmentri independente, guide spiritual ma ancje politiche dal popul furlan, dutun cu j valors etnics furlans, cu la culture furlane.
Cumó, a son la gjestre dal moviment nacionalitari furlan, par une integracion politiche economiche e cultural cul mond todesc, tes sôs espressions plui reacionaries.
A ân vude une funcion storiche impuartante tal mantegnî e resurî el moviment nacionalitari, te culture e te lenghe e tal spirt di independence.
Buine part daj predis furlans a son dongje di chestes posiciones, ancje se no lu diolarin aviert.
- 1.3.2 LA GLESIE INSTITUCIONAL.**
(U) A é la espression dal istitucionalisim vatican, che storicamentri al é copade la independence dal Patriarcjât di Aquilee e al á menade la Patrie dal Friûl dentri de influence taliane. J Vesucj di Udin, de ocupacion taliane incâ, a son stâts simpri talians e no furlans. La Glesie institucional a é interclassiste.
E favoriss la integracion cu l'Italie sot ogni fata.

Standche a é une institucion par so cont, e á dispess une logjche di compuartament diferents e independente di ché des institucions dal Stát; se j convegn, e scelte la vés des lotes popolars e dal autonomisim furlan, ançe se no ju seguiss fin dapid. Se é simpri judada e sostegnude la DC, taj ultims agns, par no pierdi la só sorestance sul cler autonomist e su la opinion popolar, no simpri a é stade in linie cu la DC, e si é compuartade autonomamentri.

Dutçs, e á dimostrât di scoltâ la vî dal cler autonomist furlan par dâj di intindî di mantegnî la ubidience e di gjavâj la fuarce di contestacion.

La Gesie institucional, standche cun chestes caracteristiches no é simpri in linie cu la DC e no si identifice cun jê e devente un element ogjetivamentri di jutori de lote nacionalitarie, che al tegn viert el confront.

1.3.3 IL PARTITO COMUNISTA ITALIANO

(U) Al é un partit storicamentri di classe operari che cumò si é spostât su posicions interclassistes, biel mantegnind la centralitât operarie. Al considere necessarie la integracion dal Friûl cu l'Italie. Nol é mai savût interpretâ el nacionalisim furlan, che lu á considerât simpri reacionari cence savêndi fâ une analisi teoriche marxiste, e al á vude simpri une culture italocentrice, vivude te forme dal provincialisim di seconde man. Difateç, par chestes resons, al dá une man e lui steas al cjape su les viodudes dal nacionalisim talian di confin ançe se in tune forme retoriche di çampe.

Al é par un mantegniment des institucions (p.e. la unitât regional) te forme staticentriche che a án chenti in Friûl, e oppressive dal Friûl: les institucions a son espression dal Stát, e Stát e Nacion a son la stesse robe. Les institucions a son neutrals e a deventin buines dome se les governin les classes lavoradories: e inalore nol covente mudâles.

Cul lâ dal timp, taj agns 80, el PCI al á mudât paré su tantes questions de QF (Universitât, lenghe, ...) che prim al considerave reacionaries e di çjampantilli, ma plui che a tri par no lassêsi cjapâ la volte dal moviment nacionalitari e par no lassâj fuarce. Dôs posicions a son tal PCI furlan di Udin: 1) la viere posicion contrarie a ogni concession a la QF, nationaliste taliana adimplen; 2) la gnove, che á cjapade fuarce pe pression esterne dal moviment nacionalitari, e che intind di cjapâ su les questions de QF che a án caracteristiches popolars, par daur une forme institucional. A la solucion de QF e intind di dâj dome fin dulâ che la concession no jentre in contradicion cul stât institucional presint: cussî la Unjersitât Furlane a é autonome ma no concorençial, parceche se no e creve la unitât regional, forme sacre de opression nacional furlan, cjare al nacionalisim talian di confin e imprest de borghesie triestine; el Friûl nol é une nacion/nacionalitât ma dome une minoritât lenghistiche, parceche al tiermin n a c i o n al é riservât a les comunitâts che a án un stât (ideologie staticentriche); la lenghe furlane e puess jessi concedude, ma facultative e individual, v.i..

El PCI pes sôs resons di strategie gjeneral, al á strenzude aleance institucional cu la DC imprimas. Cheste situacion e bloche les fuarces operaries rapresentades dal PCI tune posicion subalterne e lontane de lote nacionalitarie.

1.3.4 IL PARTITO SOCIALISTA ITALIANO

(U) Al é el partit dal riformisim neocapitalistic di çampe. Al é stât un partit operari di grande tradicion in Friûl e cumò nol é plui. Al é espression imprimas de ideologie urbane, che no puess jessi a pro des nacion improhibides e oprimude dal imperialisim in mom de culture urbane occidental, cuintri ché de campagne.

Al é pe integracion completa te culture, te economie e te societât taliane.

Al é institucionalist.

Le sôs crisis elettorals (che in Friûl a nassin ançe de prisence dal MF) lu án obleât a sfuarçâsi di capî e di cjapâ su qualchi part de QF (Universitât par esempi) ma in maniere no clare e contradictorie.

1.3.5 I PARTITI SOCIALISTA DEMOCRATICO ITALIANO, REPUBBLICANO E LIBERALE

(U) A son la gjestie democratiche laiche. A son partits daldut filotalians, institucionalisç, espression de borghesie colonial, burocratiche e compradore in Friûl.

El PSDI in particular al á strenzuts leams strens cul esercit in Friûl, e al puarte indenant adimplen une ideologie militariste, tes tradicions de opression nationaliste taliane e di simpri.

1.3.6 IL MOVIMENTO SOCIALE ITALIANO

(U) Espression la plui reacionarie e davierte dal nacionalisim talian suj confins orientaj, che al tegn impiade la idee stioviniste e aggressive antislovene, che la DC e met in vore in te sostance.

1.3.7 LA DEMOCRAZIA CRISTIANA

(U) Al é un partit interclassist. Nassût in tes campagnes tantche partit popolar, cumò al rapresente j adimplen j interess des classes dominantes borghesses e dal imperialisim talian e occidental. La só fuarce, ançe in Friûl, e derive de mediacion che rive a meti in vore tra les dibisugnes des classes popolars, dividudes e metudes te condicion di vivi di assistence che les lees par fuarce al podê, e ju interess de borghesie. La só fuarce e sta ançe in tal tegnî viertes les contradicions de QF, che jê o rive a paronâ e a impedî che a deventin cussience e che a diamovin la lota des classes popolars. E á simpri fate une politiche antioperarie, popolar demagogiche e no di struture e a é el imprest de opression nacional furlane.

Al é par une integracion completa de nacion furlane cun ché taliane. E coltve la culture nationaliste taliane, la plui retoriche, e lasse che la identitât furlane e vivi dome in tal privât individual (e cussî e pratindint di jessi un partit democratic, de libertât, che no si sint di imponi la lenghe furlane a ducj, ançe a chei che no uelin) in tes sagres; in taj rapuarts publics e reste lenghe sacre e l talian; e la culture furlane che lasse inçressi, a é ché negative, individualistiche e plene di prejudicis, parceche a é ché che le jude a dividi les classes popolars e a dominâles. A é pe conservacion assolude de institucions dal stât in Friûl, ançe te lôr muse ideologjiche; cussî e garantiss la continuacion de opression nacional dal Friûl.

La DC al é el partit dal podê che cun lui el MF al á vierte la contradicion principal tra ducj j sogjets politics.

1.3.8 IL PARTITO DI DEMOCRAZIA PROLETARIA

(U) Democrazie proletaria al é un partit di claramentri di classe.

In Friûl al opere ancjemò tantche partit talian, ma nol intind di integrâ el Friûl in te nacion taliane.

Al é par une modifichie rivoluzionarie des institucions dal Stát, che al considere oppressive e dutun cul imperialisim internacional in dif di uê. Chesta posicion lu á puartât a considerâ la lota des nacion improhibides tantche une lote antiimperialistiche, e la lote nacional furlane, une lote democratiche

No dut el partit e no su dut el Friûl al é rivât a di chesta analisi ancjemò. Ma a son tantes bielzâ les afermacions teoriches di militants di DP che a son nacionalitarie adimplen. La voluntât che a é daur a vegnî fur a échê di fondâ un Partit nacionalitari furlan, di classe.

1.3.9 IL PARTITO DEMOCRATICO DI UNITA' PROLETARIA

(U) Al é ançe ches: un partit de goove Sinistre, però al é fur e tantes volte cuintri la QF te só forme nacionalitarie; al é institucionalist.

1.3.10 IL PARTITO RADICALE

(U) El Partit Radical nol é un partit che in Friûl al á operat; ma tes ultimes eleccions al á cjapât unevore di vôt.

Al interprete la sfiducie paj partits e pes institucions di largjes fasses di populacion, di chês che ancjemò no an capide adimplen la Question nacional furlane, e che ancjemò no rivin a leâ la volontât di riforme institucional a la lote nacional.

Al é un partit talian, che par cumò al semee pront a vegnî incuintri a buine part des domandes nacionalitaris. Ma in te pratiche al opere cun grandes contradicions in Friûl e te Regjon, e al va in convigne cu la Lista per Trieste, che a é la nemie de politiche nacionalitarie furlane.

I.4 LES ORGANIZACIONS SOCIALS.

I.4.1 SINDACATS

(U) a son les organizacions storiches de classe operarie; la lor fuarce e la lôr presince si fas sintî soreduet tes citats industrials (Pordenon; Montfalcon). El sindacacat al é stat fintremai cumò cuintri j dirits de nacion furlane e par une integracion plene cu mond talian:

1- parce che j soj dirigjents no son furlans ma a vegnin mandats di difur

2- parce che a son fuarts soreduet in zones periferiches de nacion furlane

3- parce che no rivin a capî la difference tra question furlane e folclor furlan: par lôr fevelâ di Friûl al ul di dome individualism, rispjet dal paron e cussî vie

4- parce che no son presints te piçule industrie sparniçade ator pal Friûl e inalore no rivin a inventâ e a puartâ indenant bataas e o progjets de situacion furlane

5- parce che el sindacat in Friûl nol é rivat a jentrâ tal mieg de int e daj soj problems: le partecipacion democratiche e je pocje, masse grande le distance tra consejs di fabriche (dulâ che a son) e la burocraçie sindacal privilegjade; j consejs di zone no an furce e quandeche se son dade par scombati cun dut el popul furlan (par esempli a Glemone e Osav vie pal taramot), le burocraçie sindacal ju a disfats.

6- parce che a mancjin di determinacion cemud che al dimostre cê che al é sucedut tal cotonificio Udines e te question da l' I C F I

7- j sindacats e son cuintri la regjon Friûl: al semee che confondin la unitat (sacrosante) de classe operarie furlane cu le unitat de Regjon: magari taj fats e dan plui impuartance a cheste ultime, ançje se no serviss ae classe operarie furlane.

II DEFINICION E INDIVIDUACION POLITICHE DAL MOVIMENT FRIUL

II.1 DAUR DAL SO PROGRAM.

II.1.1 LA METEODOLOGJE JUSTE PAR CJATA LA IDENTITAT SPECIFICHE DAL MOVIMENT FRIUL. ?

a 1 - disind che el M.F. al lote pal Friûl e al é el sindacât di dic j Furlans

a 2 - su la fonde dome di un program politic

a 3 - disind che el M.F. al é chêl moviment politic che al derive la sô identitât 1) de siele di un sogjet sociâl e nacional che al lote par lui e cun lui; 2) de individuacion des cjadenes che a indaredin la esistence materâl, sociâl, culturâl, politiche di chêl sogjet sieلزût; 3) de formulacion di un program di lote politiche a pro di chêl sogjet sieلزût; 4) di une lote menade indenant in dutes les sedes che a coventin parie cun dutes les furces che, cence identificasi cul M. F., par une part o par buine part dal program politic dal M.F. a zovin a puartâlu indenant.

b 1 - disind ançje che la identitât politiche dal M.F. e nass de siele di une des ideologjies de storie contemporane, che fas di suage teoriche a la sô acion politiche, chê liberal o chê marxiste, o una des variantes o derivades.

b 2 - disind che par definî la identitât politiche dal M.F. no coventin ideologjies, ma e baste la guide daj valors dal popul furlan

b 3 - disind che el M.F., standche al é caracteristiche di moviment, e la sô acion a é limitade a la risolucion des plui impuartantes questions dal Friûl, cul gjavâ les causes che les determinin, plui che sun tune siele di ideologjies che a fasin di suage teoriche a la sô acion politiche, al fonde la sô identitât politiche suj criteris che o vin parsore, e al zonte dome la precisazion di quales che a son les ideologjies e les pratiche politiche che a restin dal dut contraries al so Program.

II.1.2 LA INDIVIDUACION POLITICHE DAL MOVIMENT FRIUL.

a 1 - se si siele un sogjet sociâl, chêl sogjet social a son les classes popolars

a 2 - a son les classes furlanes parones daj grancj miegs di producion: tieres, capitaj e ben immobjj.

b 1 - a son cjadenes che a derivin sei daj rapuarts di producion che a dividin la societât in classes, dulâ che une part e lavore e a produs ricjece, e chestre e cjape su j profits, sei de opression colonial e imperialistiche su la tierie furlane, sot des institucions e dal capital forescj, talian e no talian, che â bisugne di une machine burocratiche e clientelar che la garantissi

b 2 - son dome les cjadenes de opression colonial

b 3 - no si trate ni di opression colonial ni di sfrutament di classe, ma dome di un funcionament des institucions che al vares podût sei e al é mancjât

c 1 - les dibisugnes dal Friûl si puedin contentâ cun tune politiche di perfezionament de acion des institucions che a son biel-zâ, che fin cumò no an funzionât avonde

c 2 - les dibisugnes des classes popolars furlanes no si puedin risolvi cun tune politiche di justadure des institucions che a son cumò, ma cun tune politiche di modifich di chês institucions, e cun tune politiche di liberacion de opression colonial e imperialistiche, e cun tune politiche di modifich daj rapuarts di producion a pro des classes popolars daur daj principis dal socialisim e

c 3 - cuintri la opression colonial e vonde

(dal cristianesim evangjelic

d 1 - la lote dal M. F. e â di restâ fur des institucions, dome lote popolar

d 2 - la lote dal M.F., dome dentri des institucions

d 3 - la lote e va fate in dutes les sedes, e la lote dentri tes institucions, tes assemblees eletives, e va simpri rinfurçade, metode a confront, e guidade de lote popolar, de mobilitacion popolar, che reste la prime e plui impuartante.

II.1.3 INDIVIDUACION POLITICHE DAL M.F. SUL PLAN INTERNAZIONAL.

a 1 - el M.F. no si interesse des questions internacionales e al lote dome pal Friûl

a 2 - el M.F. al se che in ultime la Q.F. si puess risolvile dome cu la eliminacion des opressions di duc j popuj cuintri chejtris venastaj daj rapuarts imperialistics mondialj

b 1 - al manifeste solidarietât tun spirit di internacionisim par dutes les nacions grandes e piçules che a lotin pa lôr libertât, che a sedin o no sedin ricognossudes, e che dutes a an el dirit a la autodeterminacion e a la costitucion di un lôr stât, e al se di giudâles cul puartâ a la cussiane furlane la cause de lôr lote, e cul lotâ cuintri j stess nemis imperialistics. Paj Bascs, paj Catalans, paj Bretons, paj Irlandes, paj Curds, paj Palestines, e ancjamò atris.

c 1 - in particular te Republiche taliane al intind di dimostrâ solidarietât e di lotâ parie cun dutes les nacionalitâts minoritaris che no son ricognossudes e no gjoldin daj lôr dirits nacionaj

d 1- al é par une politiche di solidarietât cun trin o cun chealtri dai Blocs politic-economic-militars

d 2- al é par la politiche di no in liniament puartade indenant ancjemò de Jugoslavia e dai popuj dal Tierç Mond.

EVOLUCION DAL MOVIMENT FRIÛL

In rispiet de sô ideologjie esterne e de sô struture interne:

1ª FASE 1966 - 1968

Al nass tantche moviment di opinion, tal 1966, par une lote su temas setariaj e definîts (Universitât, Regjon Friûl, ...). Ducj a puedin aderî, di qualsisedi part politiche.

2ª FASE 1968 - 1973

Tôr el 1968 al devente partit che si mot tal miez di chejtris partîts, par une lote simpri unevove limitade tai obietivis.

Si domande un intervent di sostegn economic al Friûl, come specificacions di qualitât; si domandin dirîts istituzionâj (Universitât Furlane, Regjon Friûl) dentri di un obietiv di fonde che e reste la autonomie, cence atres determinacions.

Il rapuart tra aderents, conseirs eletts a cariches publiches cul partit al é 'libar'. Ogniun al va indenant 'second la sô cussience' e second cussience si formin contradicions che a metin in crisi el partit. E reste la convinzion autorizade che el aderent o el rappresentat dal Moviment Friûl a cariche publiches, al é plui impuartant, e che el partit al á di metesi, de sô volontât e no el incontrari.

3ª FASE 1973 - A UE'

E jentre le categorie guide de nacionalitât, simpri plui didentri, e l'obietiv di autonomie si precise cun chel de autodeterminacion nacional. La Question Furlane a é part de question universal des nacionalitâts che a reclamin la autodeterminacion.

La domande di autodeterminacion nacional e cjape su j vieris obietivis dal MF e ju lee adun; tal program dal MF a jentri obietivis che a cjapin dentri dutes les questions socials, culturals, istitucionals, economiche, te unitât di une question Nacional Furlane.

El sogjet social de lote nacionalitarie a deventin les classes popolars furlanes, e tal program dal 1973 definiss une linie ideologjiche mancul gjeneriche: 1) el MF al é un partit democratic e antifassist; 2) e sjei principis a son chêj dal socialisim popular e dal cristianesim evangjelic.

Si met ju un statût e un regolament interni dulâ e a jentrin j principis dal centralisim democratic (citacion dal Statût); el aderent al devente un militant e la sô acion politiche e dipend dal partit. La trasformacion interne dal MF su cheste direcion a e lade indenant un pôc a la volte, e cumò, cul 1979, a é daur a jessi definitive...

III. LA QUESTION FURLANE

III.1 LA QUESTION ISTITUCIONAL E EL TERITORI

III.1.1 DEFINICION. Ogni nacion e á dirit di autodeterminâsi la forme istitucionale, di vê une istitucion statuale autodeterminade; la nacion furlane, impar di dutes chesatres, e á chescj dirîts, che però no á podût e no puess nancje cumò gjoldiu.

III.1.2 LES RESONS DAL COLONIALISIM. Les istitucions che a rivuardin e a án rivuardat el teritori nacional furlan a son stades simpri determinades des dibisugnes imperialistiches des istitucions statales che a án cjapat el Friûl a soreli jevat.

(U) La autonomie domandade de borghesie furlane tal ultim 800 e daspò la IIme uere mundial, e la autonomie domandade dal moviment autonomist catolic daspò la II, no án vude une rispueste istitucionale daur la domande.

La Regjon Friuli-Venezia-Giulia, che a é la istitucion che rivuarde cumò el teritori furlan: 1) a é nassude par resons esterne a la volontat e a j interest de nacion furlane; 2) e uniss el Friûl cu la province di Triest, cence rispietâ el dirit di une nacion di vê une sô istitucion proprie, cence presences di difur; 3) a é nassude par garantî la continuitât dal nacionalisim talian, in funcion antislovene.

La volontât regionaliste che e jere tornade fur daspò la ultime uere in Italie, a é mancjade simpri di plui a la Costituente.

A forin istituides dome quatri des cinc regions autonomes (la Regjon Friuli-VeneziaGiulia e fo lassade fur, dacuardis democristians, socialisj, comuncisj, parvie che el teritori oriental si lu considerave politicamentri e militarmentri delicat, e no si podeve risclâ les resons dal stat talian cu tune autonomie che vares podût fâ nassi contradicions antistatocentriche sul teritori furlan) e rimandades fin dal 1970 les regions ordenaries.

Les competences des regions a forin fin dal 1956 strenzudes des sentences interpretatives de Cort Costitucional, e quandche e nassé la Regjon Friuli-Venezia Giulia in tal 1963, e jere bielzâ nassude condizionade des limitacions antiautonomistes che taj agns prim a vevininderade la autonomie des Regions a statût special.

Ma la volontât staticentriche gjeneral, comune par dutes les regions de Republiche Taliane, chenti a é rinfurçade de situacion particular leqde a la funcion dal teritori furlan, che bielzâ o vin dite. La Regjon Friuli-Venezia Giulia ancje in te sô presentacion, in tes justificacion ideologjiche che a compagnin les sôs carateristiches, les sôs funcion, a é stonfe de retoriche dal nacionalisim talian, cussi che e devente sacre in dutes les sôs manifestacions, e soredut in te sô essence.

III.1.3 SOGJETS SOCIALS. Les classes popolars furlanes no án partecipat a la lote pe autonomie, quanche si veve di fâle. Les istitucions (U) in Friûl a son stades simpri metudes jû dal alt, daur les resons dal colonialisim, e j Furlans si son rassegnat cun passivitât a di cheste situacion. Ma al é comun el sintiment che la Regjon no gjold une vere autonomie e che Triest a é une realtât estranie ah Friûl.

J Furlans son par une Regjon Friûl.

Les classes borgheses furlanes che simpri a vevin domandade la autonomie, daspò la uere par pore dal comunisim a forin contraries a la Regjon furlane autonome, tantche se cun cheste Regjon e vegniss a mancjâ la protecion dal Stât. Si son daspò leades a la istitucion regional traviers la clientele politiche e a son lontanis de lote nacionalitqrie pe istitucion di une Regjon Friûl.

La borghesie triestine, mercantile e massoniche, che veve gjoldude potence sot dal Imperi asburgjic e á pierdude tante de sô fuarce economiche daspò la II uere mundial. Par resons che a si displein cul nacionalisim talian Triest al veve di jessi sostegnud, ancje cence bases economiche, e a la sô borghesie e veve di sei lassade un pocje de viere potence. La istitucion regional, garantide de unitât regional e consegnave in tes mans de borghesie triestine el teritori furlan. La classe politiche furlane e podeve dome dipendindi. La borghesie triestine e á une grande fuarce di condizionament su les classes popolars triestine, e cussi e rive a vendî ancje sui partîts operuris, che a discognossin el problem anacional furlan, ma no si diamentein mai di chêl di Triest.

El cleri furlan al é par une Regjon Friûl.

III.1.4 J SOGJETS POLITICS. Ducj i partîts talians a án acetade la istitucion staticentriche, e ancje chêj plui regionalisj in ta cheste (U) fase storiche (les oposicions di çampe) dutcas a rivin dome a ricognossi plui autonomie a la Regjon, ma no a condividi les critiche a la sô funcion colonial sul teritori furlan. A son pe unitât regional, che, standche no é mai stude une unitât storiche ma dome istitucionale metode dongje par interest staticentriche e no furlans, e devente un assiome metafisic, che no si puess metilu in discussion. E nol é nuje atri che la traducion in tiernins plui laics dal sacri che a án intor les istitucions in te culture nacionalistiche suj confins orinetaj.

Une propueste a é cumò daur a vegnî fur, par cont miò a garantî la unitât regional, e par evitâ che si rivî a une spacature sot de pression dal moviment nacionalitari. Li dividress la Regjon (e cumò qncje el Friûl) in tancj comprensoris che avaresin di sostitûi les provinces e 'contentâ' les bisugnes autonomistes: Cjargne, Cjanal dal Fiar, Zone moreniche, Basse Gurican, Triest, Pordanon.

Cussi si daress un colp a le unitât nacional dal Friûl, cence risolti j soj dirits di autodeterminacion. E sore ducj e restass la Region cui stess parons di simpri. Al semeen che une solucion compagne no displasi al P. C. I.

La costitucion di une formacion politiche taj ultims agns, La Liste par Triest, e rinfuarce la posicion di Triest, zâ fuarte rispjet al Friûl. La Liste e â cjapats unevore di vots, di dutes les classes. E domande tra les atres che la Venezie G. (cjapade dentri ancje Gurice) si dedi une autonomie, dentri de Unitât regional: par vê j vantags di prim e chêj gnusv che a pratindin.

El M. F. al â presentade resinte une propueste di leg par separâ la Region, e constituî une Region Friûl e une Region di Triest.

III.1.5 QUESTION FURLANE, QUESTIONS NACIONALIS E IMPERIALISIM.

- El imperialisim al â internazionalizât j muds di producion capitalistics nassûts in pôcs stats ancjemô dôj sêc uj indaur.
- El imprest dal imperialisim a sons stats e a son; Stats-nacions classiche, che no dome si son butâts su la rapine dal mond, ma che dentri daj lôr confins e ân scjefoades les nacionalitâts diferents de nacion dominante.
- Les formacions superstatâls dal di di uê (Bloc imperialistic U.S.A., bloc imperialistic URSS, nassut de rivolucion socialiste ma jen-trât te logjiche dal imperialisim daspô la II ure mondiâl) a son simpri dominades si un Stât-Nacion che les controle
- Daspô la lote de borghesie dal 800 pe formacion daj Stâts-Naciona daspô les loto di liberacion daj pouj sotans colonizât cuintri j Stâts-Nacion colonizators daspô la II ure mondiâl, e la formacion di Stâts-Nacion in dut el mond sul model di chêj europeis, cuj confins lassâts dai europeis e cun plui nacionalitâts internes in rapuarts diferents, cumò e jeve su la lote dentri daj Stâts-Nacion classiche de bande des nacionalitâts minoritarias.
- La lote des Nacionalitâts pe autodeterminacion a é une lote cuintri el imperialisim universal. La lote de Nacion Furlane a é une lote democratiche, anti-imperialistiche.

III.1.6 EL TERRITORI NACIONAL FURLAN. El teritori Nacional Furlan al cjape dentri: 1) el teritori etnic-lenghistic

(U) furlan, dulâ che si fevele tridicionalmentri furlan a la date dal an 1900; 2) el teritori etnic ma no lenghistic furlan, dulâ che si favelave almancul di dôj secuj incâ e si é passât a la lenghe venite-taliane, ma no parvie di grandes immigracions sul teritori, ma par influence lenghistiche.

b - El teritori etnic ma no lenghistic furlan, al é su la fassè occidentale de Region, fin a la marine di Puart.

c - El teritori nacional furlan al é su les provincies di Udin, Gurice, Pordenon e sul mandament di Puart.

d - Les zones di Grau, Maran, a son teritoris des minoritâts nacionals talianes tal teritori storic furlan, e chês di Sauris, Tamau, Sapade e Tarvis a son teritoris des minoritâts nacionals todescjes tal teritori storic furlan. Les zones lenghisticamentri slovenes, no fasin part dal teritori nacional furlan, ma dome dal teritori storic furlan.

e - La politiche colonial e â simpri cirut di dividi el Friûl, di strengi la identificacion teritorial dal Friûl. Gurice e el so teritori al saress el "ISONTINO", la province di Pordenon, el "PORDENONESE" e la province di Udin el "FRIULI". El Mandament di Puart lu â distacât l'Austrie te prime metât dal secul passât e la Republiche taliane no lu â tornât a la so Patrie furlane.

III.1.7 LOTE CHE SI E' FATE

(U) a - El moviment autonomist daspô la uere, standche si veve di decidi in chê volte de institucion regional, al â fate une batae pe Region Friûl che al â piardude.

b - Cu la nassite dal Moviment Friûl, si é tornade a domandâ la Region Friûl. Ja separacion di Triest, ma si é fate une batae specifiche ancjemô ta cheste direcion. Dutcâs, la politiche dal M.F. a é stade simpri chê di meti in evidence les contradicions de institucion regional e â fat viodi camud che la question de Universitât no si â podut risolvile ancje par cheste reson. La batae a é stade dome promociional fin cumò.

III.1.8 OBIETTIVS

- (U) a - La conquiste dal dirit di autodeterminacion; la nacion furlane impar di dutes chesatres nacion dal mond, e â dirit di sielgi une sô institucion statual, in plene autodeterminacion.
- b - No â chel dirit, parceche a é part adimplen de nacion taliane: e baste une Region Friûl.
- c - No â chel dirit parceche no si puss meti in discussion la strudure statual de Republiche Taliane: e baste une Region Friûl.
- d - la nestre lote, puartade indenant dentri dal stat talian traviers metodis democratics, e â par obietiv la transformacion des institucions dal stat talian su bases institucionals plurinacionals confederades, e la transformacion daj stats erpois di cumò in tune institucion su base plurinacional confederade, a paretat di rapresentance e di dirits di dutes les nacionalitâts.
- La question institucional furlane a é:
- e 1 - La conquiste di une institucion che rivuardi dome el teritori nacional furlan: la Region Friûl.
- e 2 - La conquiste di contagnuts di autonomie efetive, daur principis di autodeterminacion.
- e 3 - La unitât dal teritori nacional furlan tes provinis di Udin, Gurice, Pordenon e tal Mandament di Puart.
- f 1 - Leade a la question furlane a é la question slovene. La minoritat slovene, metode dilung j confins fin a Triest, e saress separate di dôs institucions: bisugne garantî cun tune forme institucional uniche la unitât de minoritât nacional slovene, che operi in cunvigne e dongje des dôs gnoves Regjons: che furlane e chê triestine.
- f 2 - La minoritat slovene no â di vê une sô institucion ma j baste la autonomie che derive de partegnince a les dôs gnoves Regjons.
- g 1 - A ân di vê une lôr institucion autonime, dentri de Region Friûl, les minoritâts talianes e todescjes.
- g 2 - Les minoritâts talianes e todescjes no ân bisugne di une institucion autonime dentri de Region Friûl.
- h - A lungje scjadence el dirit di autodeterminacion al â di puartanus in te direcion di formes di organizacion social e politiche seond j principis dal socialisim autogjestonari.
- i - A medie e curte scjadence, la Region Friûl e â di garantisci cuintri la politiche staticentriche che â anulade la autonomie furlane e competences in ducj j setors de vite civil: 1 - Te economie 2 - te scuele 3 - te culture, 4 - te politiche dal teritori (urbanistiche) delegand al Stât dome les competens de difese, des relacions internacionals, dal scambi internacional, a condicions fissades, 5 - tal ordin public sul teritori furlan.
- l - La riforme des amministrazioni locals, che a garantissin partecipacion popolar coretive de logjiche partitocratiche.
- m - Les regjons storiches de nacion furlane, a varan di gjioldi di autonomie dentri de nacion furlane: Friûl orientâl - Friûl occidentâl Cjargne, Friûl Central.

III.2 LA QUESTION DES SCLAVITUTS MILITARS IN FRIUL

III.2.1 DEFINICION

La question des sclavituts militars in Friûl e nass daj condicionaments militars sul teritori furlan che a indareidin la pussibilitât di svilup de nacion furlane, e che storicamentri a son stades e a son.

- a 1 - une des condicions principals de situacion di opresion nacional, che â derivades chesatres situacions di opresion.
- a 2 - dome une des condicions de situacion di sotosvilup dal Friûl

- b 1 – la question des sclavituts militars e rivuarde dome e juste sul teritori e el lôr dam diret su la proprietât
- b 2 – e rivuarde ancje j dams idirets, su les pussibilitâts mancjades di utilizacion dal teritori
- b 3 – e rivuarde ancje la militarizazion dal teritori, la presince di un esercit che al uardie la situacion colonial furlane, la presince di une component social forests, j militars, tal mieg de nacion furlane, che le condicione, di une culture militaristiche e di une continue manifestacion dal nacionalism talian cu les carateristiches storiches che si son dîtes.

III.2.2 LES RESONS

- (U) La presince militar in Friûl, sei te forme des sclavitûts che dal esercit, e derive:
 - a 1 – des carateristiches dal imperialism talian e venit-latin cu la Republiche di Vignesie, che al smirave a dominâ el Adriatic e j Balcans; e dome in second plan de bisugne di difese cuntri les invasions da l'orient
 - a 2 – dome de bisugne di difese cuntri la pression daj populj slavs e orientaj in gjenar
 - a 3 – cumò de partignince de Italie al Bloc politic-militar occidental, e de presince daj dôj blocs che a dividin la Europe, e dal Jessi el Frûl tradizionalmentri tiere di impuartance militar.

III.2.3 J SOGJETS SOCIAJ

- (U) a 1 – Les classes borgheses furlanes, dal secul passât incâ, a ân simpri sposât el nacionalism talian ancje te sò muse imperialistiche militar; a ân simpri sperât di gjavâ profit dal imperialism talian in te direcion di soreli jevât. A son plenes di culture nacionaliste taliane, dulâ che la componente militaristiche é dominante.
 - b 1 – Les classes popolars a ân simpri scugût paâ pes sclavitûts militars, pes ueres. Ma la culture dominante e à rivât a difondi ancje danti di lôr une culture militaristiche e nacionaliste taliane dulâ che les virtûts di anime, di ostinacion e di lealtât daj furlans a diventavin virtûts militars eroiches: la liende daj alpins. E cussi a son stades leades e a son, a la culture taliane militar. Les sclavitûts militars a son sentudes une question diferente di chê dal esercit in Friûl; e in tal exercit, diferents j cuarp alpins di chejtris: no son ancjemò rivades a capî che si trate di une question interie e leade adun.

III.2.4 J SOGJETS POLITICS

- (U) a 1 – La Gjestre e la DC a son pal mantegniment dal status quo in Friûl. Riformes des Sclavitûts militars dome imprometudes o fates no par vegnî incuintri a la question furlane, ma dome a les groves dibisugnes dal exercit.
 - b 1 – El PCI al viodeve la question des sclavitûts militars danti dal rapuarc Est-Ovest. Cumò al á bandonade la posicion anti-NATO, e al domande une revision permanente des sclavitûts militars, traviers orghins democratics, ma cence rivâ a sostegnî che la situacion militar in Friûl a é une des componentes detriminate de opression nacional furlane.
 - c 1 – El PSI al é ancje chêl par une revision democratiche des sclavituts militars.
 - d 1 – DP a é cuntri la militarizazion dal teritori e cuntri les sclavituts militars.

III.2.5 LA LOTE NACIONALITARIE

- (U) Prin dal MF le lote cuntri les sclavituts militars e jere fate des sinistres, e jere dome une cjapitul de politiche anti - NATO. Cul prim MF si sposte las question des sclavituts militars danti de question furlane e si leave la condicion di sotosvilup dal Friûl a la presince des sclavitûts militars: Si domandave la riforme.
 - Cu la lote dal MF daspò dal 1973, traviers la constitucion dal Comitât cuntri les sclavitûts militars in cunvigne cul PSI e PCI, la question des sclavituts militars a é diventade question de opression de opression nacional dal Friûl. Si domande la smilitarizazion dal Friûl – A' passe une leg tal 1975 che gjave un pocjes di sclavitûts militars ma e lasse interie la question: PCI e PSI si contentin e al mur el Comitât.

III.2.6 OBIETIVS

- (U) Quaj sonin ju obietivs dal MF su cheste question ?
 - a 1 – revision des sclavituts militars inutilis
 - a 2 – eliminacion di dutes les sclavituts militars, smilitarizazion dal teritori e dirt di autodetminacion de nacion furlane sul so teritori
 - a 3 – dome cuntri les sclavitûts militars su la proprietât
 - b 1 – cuntri la militarizazion dal Friûl dongje des sclavituts militars
 - c 1 – par che el Friûl al devinti un teritori di pâs, fur daj blocs
 - d 1 – formacion di un esercit popolar furlan, cun funcion di difese e civils, danti dal exercit talian, fin che el Friûl nol fasará part di institucion statalis superiors (tanche p.e. j Stats Units de Europe)

III.33 LA QUESTION DE POPOLACION SUL TERITORI NACIONAL FURLAN

III.3.1 DEFINICION

- (U) El Friûl al é e al é stât une tiere dulâ che les risorsas, ancje par reons di rapine colonial, no bastavin pa la vite de popolacion. Al á vude di une bande une grande emigracion, di furlans, e di cheatre une gruesse immigracion, di talians. La question e nass cumò des dificoltas di control e di exercici dal dirt di autodeterminacion sul teritori nacional furlan, che a derivin de qualitat de mobilitat social sul teritori. La question dal teritori e nass de impossibilitât de bande des classes popolars furlanes di paronâ el spaci nacional par che la sò organizacion e vegni su equilibrade, armoniche e no alienant.

III.3.2 LA SITUACION E LES RESONS DAL COLONIALISIM

- (U) La imigracion in Friûl no é operarie, ma burocratiche colonial. A son les institucion colonials che a ân planificate e favoride la inmigracion di categories socialis che a garantissin el funcionament colonial des institucionis in Friûl: exercit, scuele, amministrazione publiche in gjenar.
 - El fenomen al é unevove grav e grand. Al é unevove rar che el inmigrat burocratic al cjapi su la lenghe e la culture furlane, si sinti part di chest popul cence considerâlu inferior a sé, e al intindi di diventâ furlan adimplen. Al suced impî che la autoritat che j derive de sò funcion institucional le dopri (cun cussience o cence) par meti in sudicion j furlans. E al suced che j Furlans a sintin vergogne di sé e a bandonin la lôr lenghe e a passin a la imitacion daj modej culturaj talians.
 - La organizacion dal teritori furlan cemud che a é cumò.
 - a 1 – a derive diretamentri de destinacion militar dal spaci nacional
 - a 2 – des sieltes colonials e neo-colonials compatibilis cu j plans di destinacion militar dal spaci nacional, par finalitâts di sfrutamant economic
 - a 3 – des consequencis di chestes situacions dominantes
 - a 4 – de incesite disordinade di organizacions e sotorganizacions dal teritori guidade dal podê in te direcion segnade dal podê
 - La crisi de economie de montagne, la pirdite di popolacion daj paisust de nestre montagne, come a dute l'Italie a é planificate (plans urbanistics) e teorizade, e a é favoride dal colonialism militar, che al cjape poses parordin daj teritoris bandonats, e daj interes dal pôde economic e politic neo-colonial.

- La popolazion e á di cressi tal ciarpint central - Pordanon -Udin- Gurice - Trieste intant che si disvuede a nord le culine e la montagne, e cussi si liberin tritoris pe planificazion neo - colonial.

- La urbanizazion e va indenant a magle su dut el teritori,mangiand la campagne,che a é bielzá cercnade adimpen dal spaci urbanizât.

Chestes situacions a permetin : 1 - el slargjament de culture neo-capitalistiche,che sostituiss la culture nacional furlane e a distrug la lenghe furlane.

- b 1 - la vile in te campagne inprin(su les culinis e les montagnes e in te lagune) prin dibessole,po compagne di une metastasi di unitats compagne che a finissin par stravolj el ambient (Morena,culinis moreniches,stacions di montagne,Plancjaval.
- b 2 - la sostitucion de popolacion daj nestrís pais,cu las espressions umanes urbanas(Borghesie furlane snazionalizade,todescs,talians milanes,triestins....)che no son interessades a fá resuri economicamenti e culturalmenti el teritori cu a cjapin in poseses,ma che cu la lor presince lu comprometi par simpri.
- b 3 - la speculacion turistiche di masse,nacional adimpen,cu les grandes stacions metudes dongje e direzudes di difur,fur dal control de popolacion che a stravoljin la bielege de nestre montagne(Plancjaval,Siele Nevee,Zoncolan,Drogne)
- b 4 - la cressite sparicade,caotiche,daj fabricats des aciendes e des aciendutes,la plui part dipendentes dal macjat ocasional e controlat dal podê economic imperialistic,lassade tantche sbroc de iniziative economiche furlane,ma cuj criteis dal clientelism democristian.
- b 5 - la culture furlane dal ambient,le forme daj pais e des cjases,a son comprometides,disfates o scjafoades de culture urbanistiche cence identitât,des vilutes,daj capanons des fabriches,daj compless residencjaj e turistics.
- b 6 - el podê economic colonial e imperialistic al é presint sul teritori furlan cun fabriches intossandees(inquinaments),cui cuintri a lotin les popolacions pe salut metude in pericol(cimenteris di Lestans,ICFI di Nimis,depusit di Visc).
- b 7 - el Friûl al é traviersât di autostrades, di condotes di metan e petroli,che a oblein el so teritori a di une continue slavitud.
- b 8 - les sôs risorsis energjetiches (centrals idroeletriches) a son sfrutades fur dal Friûl,pe industries talianes,cence che el Friûl al sedi compensât.Les picules centrals a son stades siarades,e cu les grandes a puedaresin bastâ a les dibisugnes energjetiches nacionals dal Friûl.
- b 9 - intencion a é daj guviers talians di meti centrals - nuclears in Friûl,pe dibisugnes energjetiches forestas, che a inressaresin el control militar dal teritori,che a coparesin la vite te lagune,che a saressin un pericol pe nacion furlane interie.

III.3.3 J SOGJETS SOCIAJ

- (U) a 1 - Les classes popolars furlanes a án sintut simpri el pês des institucions colonials,e a án vude difidence e asse cuintri j siej burocrates.Standche a jerin la plui part meridional,al é nassut el sintiment antimeridionalistic daj furlans ,chenol fas distincion tra les diferentes qualitats di immigracion (operaie o burocratiche colonial), e cence podê metisi tes condicions di capf la Question Meridional.
- a 2 - Cundut che j Furlans án vude difidence storiche in tes institucions colonials,che a án in asse el burocrate meridional, a rivin instess a jessi condicionats de autoritât des institucions,a bandonâ la lô lenghe,a cjapâ su j miits dal nacionalism talian. A transferissin la colpa de opresion colonial no a les institucions,ma aj siej funcionaris.
- a 3 - Jessi furlans e lotâ pal Friûl al é interpretat tantes voltes in funcion antimeridionalistiche.

III.3.4 J SOGJETS POLITICS

- (U) a 1 - J partits dal podê a án di simpri favorite la immigracion burocratiche parceche a é funcional aj plans colonialaj.
- a 2 - I partits di çampe talians tradicionaj a án simpri condanât el antimeridionalism,ma nancje lôr no án fate distincion tra immigracion operarie e burocratiche colonial.E cussi a son cuintri ogni limitacion de immigracion in nom daj dirits nacionalaj dal Friûl,parceche a restin simpri institucionaliscj,cun tune vision staticentriche de Rep. Taliane. A discognossin une O.F. e quindi no uelin viodi la contradiccion tra une immigracion istitucional e la lote pal resuriment de nacion furlane.Aj é ancje di dî che in tune vore di câs j dirigjents politics e sindacaj in Friûl a son talians.

III.3.5 LA LOTE CHE SIE' FATE

Une des caracteristiche di fonde de acion politiche dal MF a é stade di simpri la lote pal teritori,cuntri las planificacions neo-colonialistiche,e quasi simpri chestes lotes a son stades popolars e guidades o sostignudes dal M F. Plui di une volte,cence sei rivats a Vitories definitive,si é rivats dutcas a contrastâ j plans e a fermâiu.

III.3.6 OBIETIVS

- (U) a 1 - Si á di garantî a la nacionalitât furlane el control dal so teritori,in base al principi di autodeterminacion,par che no rischi di pierdi la sô identitât nacional e par che no continui la opresion colonial.
- a 2 - La presince in tes institucions publiches di ogni fate di personal,e á di sei guidade di chescj criteris:
- a - Nol impuarte di dulâ che a vegnin e dulâ che a son nassuts
 - b - A an di sei residents sul teritori nacional Furlane di almancul 5 agns
 - c - A án di cognossi,fevelâ e savê scrivi,la lenghe furlane.
 - d - El personal che al é bielzá al á di imparâ e a fevelâ e a scrivi la lenghe furlane dentri di 3 agns, par no pierdi el puest.
 - e - Eliminâ dutes les formes e les presinces dal neo-colonialism sul teritori furlan,sei tes formes culturals che economiche.
 - f - Si á di rivâ a definî e delimitâ in maniere unequivore strente,par une lungje dade di agns, j confins de urbanizazion. J teritoris de campagne,sei salvadis che lavorats,e án di sei liberats de presince urbane che ju glot.La cressite daj pais e á di vagnî indenant
 - 1) cul bonificâ les abitacions bilzá costruïdes e viere
 - 2) cul slargjasi in continuitat,no in maniere dispiardude.
 - g - El turisim al á di sei controlat des popolacions che a vivin taj teritoris turisticamenti interessants, sei economicamenti sei te sô qualitat. El turist sovegnint al á di Jentrâ te comunitât:
 - 1) tantche ospit e no in sostitucion de int emigrade
 - 2) al á di cjatâ une culture vive che lui al á di rispjetâ
 - 3) si á di impeñî di meti dongje speculacions.
 - h - A son di fermâ e distrugj ducj ju implants turistics che a án distrut el ambiente a son stades des speculacions neo-colonial.
 - i - El spaci industrial urban al á di sei delimitât a zones fissades a comprensoris..
 - l - La forme tradicional de cjase furlane,,de distribucion dentri daj pais, a pues jessi continuade taj siej aspjets "canonics" cence vé di fá dimancul des gnoves tecniches e daj gnusv maternaj. E va conbatude la cjase anonime,di manual,e al covente fondâ une culture architetoniche nacional che su la individuacion des regulis canoniches de architeture antiche e sepi te continuitât cjatâ la direcion dal Prim.
- Avan metudis ju regulis urbanistiche no dome "quantitatives" ma ancje "qualitatives". J pais de Austrie a puedin jessi par i nestrís un esempli di rispjet de culture tradicional te continuitât.

U 3 Posicion etnopopuliste.

- a - A é la posicion tradicional dal autonomisim furlan, nassude te culture de Glesie Furlane.
- b - La carateristiche de lenghe: la lenghe furlane a é une vere lenghe, impar di dutes chesatres neolatines: Francs, Talians, Catalans
- c - Rapuart cu la comunitât che le fevele: a é la lnghe daj furlans, J Furlans a son un popul par lôr cont, che noi á nuje a ce fá te definicion de sò identitât cu j talians; une tutele de lenghe, e sceugn passá traversiers une tutele de comunitât furlane cjapade tanche comunitât.
- d - Rapuart lenghe culture: la culture furlane a é ché tradicional contadine; á valors etnics che les opressions esternes e la politiche, social e economiche in te vite dal popul furlan; la lenghe a é dutun cun che culture, e no si puess inmodernile cence pierdi la identitât; a van cjapades les peraules dal popul, par rendi ducj i concets, ancje chéj di culture moderne, che dutcâs a é cjalade cun suspiet.
- e - Posicion sociolenghistiche: la lenghe furlane e va institucionalizade e doprade pardutes les institucions.
- f - Posicion in te scuele: E á di jentrâ tes scueles, tanche lenghe insegnade e di insegnament adimplen.

U 4 Posicion Nacionalitarie

- a - A é la posicion dal gnuv moviment nacionalitari furlan, nassud cu j agns 70, e che al cjape esempli des lotes pe autodeterminacion daj Bascs, daj Catalans, e
- b - La carateristiche de lenghe: la lenghe furlane a é une vere lenghe.
- c - Rapuart cu la comunitât che le fevele: la comunitât furlane a é une nacion, e el furlan al é la so lenghe nacional, la lenghe e va tutelade traversiers une tutele complessive de comunitât furlane, minoritât nacional in tal stat talian.
- d - Rapuart lenghe culture: la culture furlane tradicional e mude in te storie impar di dutes chesatres cultures; si trate di scombatî par une gnove culture, espression libere des classes popolars e no espression de lôr miserie obleade, in te continuitât cu la viere; la dinamiche de culture in te storie a é diferente di ché de lenghe; ancje se mude la culture furlane, no le dite che mueri la identitât nacional furlane; a é la lenghe el segn principal di autodefinicion di une nacionalitât; la lenghe furlane e va inmodernide, pâr salvâle, e j van zontâts ducj chéj lengags specifics che a mancjn te culture tradicional, tes formes structurals che domande la lenghe furlane.
- e - In te scuele: la lenghe furlane, stanche a é la lenghe nacional dal Friûl, a é di jentrâ in tes scueles lenghe insegnade e di insegnament adimplen.
- f - Posicion sociolenghistiche: e va doprade in dutes les situacions, e va institucionalizade tantche lenghe nacional dal Friûl.

III.4.4 PROPUESTES SU LA LENGHE FURLANE

- (U) a 1 - La lenghe furlane a é di sei lenghe institucional in Friûl.
- a 2 - Dome lenghe private; taj rapuarts publics investit el talian.
- b 1 - E va institucionalizade in rapuart cul teritori nacional furlan, che al é chéi dulâ che tradicionalmentri si fevele o si fevelave furlan; la comunitât nacional furlane a é un sogjet juridic che al fevele une so lenghe, ché furlane.
- b 2 - E va institucionalizade, ma dome individualmentri e no leade al teritori e a la comunitât che le fevele, di viodile tanche sogjet juridic cun tune sò lenghe.
- c 1 - No dome les institucions publiche, ma ancje radio, television, stampe a án di doprâ el furlan, a án di sei sostignudes in maniere fuarte les manifestacions culturals, letinarie, la informacion in te lenghe furlane.
- c 2 - La radio e la television no án di doprâ la lenghe furlane se a son publiche; a é permetude dome tes radio, televisions e stampe private.
- d 1 - In tes scueles el furlan al á di sei lenghe insegnade, di insegnament, obligatorie par fruts che a vivin in Friûl e par insegnants di ogni discipline.
- d 2 - E á di sei lenghe insegnade dome facultative.
- d 3 - Dome tantoche ogjet di insegnament e no strument di insegnament.
- d 4 - No á di jentrâ in nissune forme tes scueles.
- e 1 - La storie, la gjeografie, la culture furlane a án di jentrâ in tes scueles, obligatorie e par furlan.
- e 2 - A án di jentrâ, par talian.
- e 3 - No án di jentrâ.

III.4.5 LES POSICIONS DAJ SOGJETS POLITICS.

- (U) a - La DC e considere la lenghe furlane dome in tal privat; no ricognoss la nacionalitât furlane e la tutele in base al art. 6 de Costitucion; in tes scueles dome la culture furlane o la lenghe furlane in te forme facultative. No á fat nuje fin cumò pe lenghe. In tal compless e á la posicion reacionarie su la lenghe e la culture furlane de S F F.
- b - El PCI al á une propueste di tutele des minoritâts di lenghe, che no son nacionalitâts fur che slovens, todesco e frances. J furlans a sareasin une minoritât. La tutele a é a mige strade tra le forme coletive nacionalitarie e ché individual; tes scueles e sareasin facultative la rinuncie e dome materie insegnade. In sostance a son les posicions di Democracie Lenghistiche justade, sot de pression dal Moviment nacionalitari.
- c - DP al á une posicion nacionalitarie, daur la tradicon teoriche marxiste su les questions nacional.
- d - Chej etris partits o a ignorin la question o j son cuntri.

III.4.6 LA STORIE DE LOTE PE LENGHE

- (U) La lote pe lenghe sul imprim a é stade daur da la vision etnopopuliste, che á scombetude ché reacionarie de S F F.
- Daspò dal 1972 el M F al á metude in tal dibatiment politic in Friûl la posicion nacionalitarie.

III.4.7 OBIETIVS

- (U) a 1 - El M F al á la posicion 1) dal Progress - 2) de S F F - 3) di Democracie lenghistiche - 4) etnopopulistiche - 5) nacionalitarie
- b 1 - Al propon pe lenghe furlane;
 - 1) Si á di dá dongje une culture nacional furlane, che al vul d' dispierdi e crevâ la culture colonial e neo-colonial
 - 2) Pâ increasâ la culture contadine tradicional furlane sposandie cun ché universal, par che qusti valors che legjavin de sotenance e le rignovassin te continuitât.
 - 3) La condicione par che in Friûl e passâ une culture nacional furlane, a é che a sedin les classes popolars a produaile in condicions di autodeterminacion.

III.5 LA QUESTION DE UNIVERSITAT FURLANE

III.5.1 DEFINICION

- (U) Standoche une nacion e á el dirit di autodeterminâsi la sò jncreasite cultural e nissune fuorce esterne e á al dirit di inderedaje, la

- m - Ancje ju implants des fabriches metudes su dome cu les regules de prefabricacion daur dal criteri daj coscj plui bass e de pure ricercje dal profit, a varan di compagnasi cu la muse dal ambient,che cumò plui di ogni atre construcion lu stravueljn.
- n - Eliminâ dal teritori furlan ogni implant inquinant ca no si rivi a controlâ al cent par cent j refudins de sò producion.
- o - Meti in vores les les risors energjetiches "netes" paj dibisugns de economie nacional furlane,fâsi tornâ les nestres aghes,com - bati cuintri la construcion di centrals nuclears sul teritori nacional furlan.

III.4 LA QUESTION DE LENGHE E DE CULTURE

III.4.1. DEFINICION

- (U) La question de lenghe e nass dal dirit che â la nacion furlane di doprâ la sò lenghe tanche lenghe nacional institucional,in ogni sede e in ogni situacion,sul so teritori,e di vê j miegs institucionâj e culturâj par che el furlan al diventî lenghe di culture adim - plen.
- La situacion sociolenghistiche dal furlan.
- La lenghe furlane a é daur a pierdi la sò funcionalitât di lenghe:
 - a 1 - Pierdite di lessic e sostitucion cun lessic talian
 - a 2 - Pierdite di strutures funcionals e sostitucion cun ches talianes
 - a 3 - E reste simpri plui indaur man man che a cressin e inressin j lengags tecnic-sientifics,j lengags particulars, j lengags che si doprin tes situacions publiches,che a son dome par talian.
 - b 1 - Une volte la situacion e jere di monolenghisim furlan tes campagnes,cun influences venites suj ors dâl Friûl;e di diglossie tes citâts,dûla che les classes nobiliars a fevelin furlan,ma ancje venit- talian.tes citâts si passe daspò al monolenghisim talian e tes campagnes a la diglossie: furlan tal fevelâ ordenari e talian cu les autoritâts,tes situacions publiches e in citât. Cumò la pier dite de lenghe e cjape dutes les classes,ancje chés popolars,che mudand lenghe a crodin di inressi socialmentri. Tes stesses famees dulâ che j gjenitors a fevelin,a é la diglossie parceche cuj fis si fevele talian.Quandche j fis a fasaran famees,o varin famees monolenghe talianes.
- Dutçâs,cu umò,se la situacion a é grave,a podaress jessi ancjemò tes condicions di jessi fermade e salocor tonade a voltâ indaur.
- c 1 - Les institucions,dut ce che al é public,al fevele talian e la presince dal furlan a é bandide: Scuele,Assembles eletives,uficis publics,occasions uficials;dome in qualchi câs par iniciative individual sopuartade,si rive a doprâ el furlan tes institucions. Les institucions derivades dal podé central e considerades espressions e impalcadure de nacion taliane,no si puess metiles in funcion doprand une lenghe che no sedi ché taliane,cence ofese al Stât identificât cu les institucions che lu garantissin.
 - d 1 - La lenghe furlane si le dopre taj rapuarts privâts dal fevelâ ordinari,e ancje lî simpri mancûl,o te liriche solitarie.Quanche el rapuart al devente pulic cu les persones che a ân une qualsisedi uficialitât, o tes buteghes,su la stampe di ogni fate,tes radios e televisions,si dopre el talian.La lenghe furlane si le reserve te stampe a la producion di poesies e contes,dulâ che al vegn fur el moment sogjetiv e individual dal autor.Dome qualchi clape e qualchi autor nacionalitari a dprin el furlan par dutes les situacions,sei fevelades che scrites,ancje cun intencion bilaclar polemiche.E a son chej pôcs che a son rivats a fâ lâ indenant el dibatiment su la question de lenghe in Friûl.

III.4.2 LA SITUACION

- (U) La culture in Friûl a é:
- a 1 - che popolar tradicional in crisi,dispierdude de culture colonial e de distrucion daj rapuarts sociaj de societât precapitalistiche, e ridusude a nuje o a folclor,o a imprest dal podé par daûr a les classes popolars une falsa immagine di se stess (Societât Filologjiche Furlane e DC)
 - a 2 - che colonial e neo - colonial dominante,jentrades al puest di che popolar tradicional.
 - a 3 - la culture universâl che les pontes plui avançades dal pensir mondial a produsin,in Friûl no rive a slargjâsi,filtrade cemud che a é du culture colonial,sei de forme viere:retoriche nacionalistiche taliane,sei te forme gnove dal consumisim, e impede de mancjance di institucions furlanes autonimes tanche une universitât.

III.4.3 LES VIODUDES SU LA LENGHE.

- (U) El dibatiment su la question de lenghe al fas viodi cinc posicions fundamentals,qualchidune viere,qualchidune plui resinte :
- Posicion dal Progress: si intind che la lenghe furlane,lenghe fevelade de int puare e plene di miserie,e va bandonade cu la stesse miserie e cul lâ indenat dal Progress. Si â vergogne de lenghe furlane,segnart di inferioritât social e cultural. A é une posicion che si le â cjetade tant a gjestre che a çampe, fie de vore di racionalizazion capitalistiche e neocapitalistiche.
- U 1 Posicion nacionaliste taliane de Societat Filologjiche Furlane.
- a - La carateristiche de lenghe: a é une vere lenghe la lenghe furlane
 - b - Rapuart cu la comunitât che le fevele: a é la lenghe daj furlans,ma j furlans no son une naciona,dome un popul original ma "talianissim" :no â significât el concet di tutele di une " minorance "
 - c - Rapuart lenghe culture: la culture furlane a é ché contadine tradicional; la lenghe furlane a é un aspjet di ché culture,a é une forme di culture;cussi no puess jessi inmodernide,no puess cjapâ gnûvs lengags internis parceche se no é culture autentiche furlane.
 - d - Posicion sociolenghistiche de lenghe: la lenghe furlane par jessi sielta,e â di jessi fevelade spontaneamentri;si le dopre tes Jessudes individuals de poesie,tanche evasion estetiche e folkloristiche.E â di vê une carateristiche private e no publiche,che a é riservade ae lenghe "nacional",che saress el talian.
 - e - In te scuele: si varess di fâ jentrâ el furlan,insegnât e no lenghe di insegnament;soredut la culture furlane,e dutçâs la culture furlane e puess jessi insegnade par oblig,intang che la lenghe e â di sei facultative.
- U 2 Posicion di democraçie lenghistiche
- a - A é la posicion de gnove didatiche tes scueles,vegnude fur de culture di sinistre che scombat la culture tradicional e autoritarie tes scueles,ancje in tal insegnament de lenghe taliane.
 - b - La carateristiche de lenghe: la lenghe furlane a é une " Parlata locale",un " Dialetto " impar di duçj chejatrîs che si fevelin in Italie.No esistress diference strutural tra lenghe e dialet.El tamian al é la lenghe nacional e di culture,al furlan la lenghe sclete oral des classes popolars.
 - c - Rapuart cu la comunitat che le fevele:a é la lenghe daj furlans,ma no une lenghe nacional.La nacion si identifich cul stat e a esistin " Le grandi lingue nazionali "e " Le parlate locali ": no esistin nacions improebides.
 - d - Posicion sociolenghistiche: les feveles locals,a cussî ancje el furlan,a van invaloides impegn di vergognales,ma a ân di restâ locals,doprades individualmentri e no diventâ les lenghes propries di une comunitât,institucionalmentri.
 - e - In te scuele: invaloides a van,ma soredut par une didatiche dal talian diferent di che tradicional:de lenghe local a la lenghe nacional: el furlan al é dome un imprest di passag a la lenghe nacionl taliane.

question de Universitât Furlane e nass de dibisugne de bande de nacion furlane di vê une sò institucion universitarie, e de impussibilitât di vele fintremai che j plans dal colonialism in Friûl a puedin impedile e inderedale.

b - La dibisugne di une institucion universitarie a é part de bisugne plui gjeneral di une nacion di autoderminâsi la sò incressite cultural, cence che nissun di difur le vedi di condizionâ.

III.5.2 LES RESONS DAL COLONIALISM

(U) a - Al colonialism in Friûl no j é stad mai ben che la nacion furlane e podess gjoldi di institucions paj studis superiors. Mancjemai che si fossin dades dongje fuarcas e formes di cussience culturals autonomes e anticolonials.

b - La situacion institucional de Regjon, dulâ che el Friûl al é obleât a jessi unit cun Triest, no permet che la volontât furlane di vê une universitât furlane a puedi ve un risultât. La borghesie Triestine a é stade destinade a controlâ la institucion regional, e la universitât di Triest a é un imprest di podê de borghesie triestine. No si puess meti su une universitât furlane te stesse Regjon cence viergi un confront cun ché triestine, che á funcions colonials, e cence meti in crisi la unitât regional.

III.5.3 J SOGJETS SOCIAJ

(U) a - La borghesie furlane, che di simpri e á cirude une so autonomie in tun Friûl autonom, e á però simpri acetât ancje les resons dal nacionalism talian, sperand di gjavânsi vantag. Cussi e á scugnut cedi ancje a la pratese di vê une universitât furlane, parceche les resons dal nacionalism talian par lassâ dome la universitât triestine a jerin plui fuarcas.

b - Taj agns Sessante la borghesie professional e á scomçade la lote pe Universitât, cun obietivs corporativs e limitats. Ma la lote a é stade cçapade su des vieres fuarcas autonomistes, dal clero furlan, de piçule borghesie furlane fie de campagne, daj emigrants, che in tes scueles superiors a viodevin la pussibilitât di dâur un destin social mior aj lôr fîs.

c - La continuacion de lote, e á puartad el intress par une universitât furlane in dutes les classis socials; e a son stades les classes populars a rispuidi cun plui fuarcas a la lote.

III.5.4 J SOGJETS POLITICS

(U) a - Ducj j partits talians a án derivate la lor politiche su la question de Universitât drenti dal quadri gjeneral daj plans colonialiscj, cun cheste caracteristiche comune: el discognossiment daj dirits de nacion furlane di autoderminâsi la sò incressite cultural.

b - Chest discognossiment al çjape forme chenti cul sostegni la Universitât di Triest, e la'funcion dominante di ché Universitât sul teritori de Regjon, considerade unide ancje a chest pro. Ducj j partits a derivin el lôr compuartement de acetacion complete de situacion institucional de Regjon, che á di sei unide te opression de nacion furlane.

c - Se sul imprim ducj j partits si opevin te stesse maniere a la Universitât Furlane (daj fassiscj aj comuniscj), si é rivâts sot de pression dal MF e del lotes populars sostegnudes di lui, a la formule de Universitât furlane autonome ma no concorençial (Document unitari dal Consej Regional dal 9 di lui 1974, votât cuintri dal MF). E cheste formule a é une contradicion in taj termins, buine par dale di intindi une volontat che no esist.

d - La DC e el PCI a son j plui gruess responsabijj de situacion atual de question de Universitât Furlane, cundut che el PCI al á mudade posicion prim de DC (luj dal 1971), el PSI ta chescj ultims agns, cence vé masse les idees clares su la UF, al á vude une posicion plui dongje di ché dal MF; DP si é metode de bande dal moviment nacionalitari in te domande de UF.

III.5.5 LA LOTE CHE SI E' FATE

(U) a - La prime demande de Universitât furlane, e veve caracteristiche corporatives, ancje se si le cirive di inquadrâ a la buine in te suage di une question furlane di risolti. Si domandave qualchi facultât, po si domandave une Universitât furlane complete di autonomie. Les justificacions a jerin 1) motivades dal dirit a studiâ daj furlans che no vevin avonde bess di spindi fur pes Universitâts talianes; 2) de necessitât di formâ une classe dirigente furlane, professionalmentri preparade, par che el Friûl nol foss sotan. daj sorevignints. El stess MF fin dal 1972 al domandave la UF drenti di cheste resons.

b - El Comitât pe Universitât Furlane, nassut cuj agns Setante, al diventâ el coordenatodor de lote che al puartâ indenat prim traviers demandes a les autoritats institucionals, academiche e no, po ancje traviers manifestacions di place. El MF al á simpri sostegnut al Comitât, al á impedit che fuarcas contraries lu neutralizassin, al á lavorât in maniere determinante par che les manifestacions a risultassin.

c - Cul document dal luj 1974 al diventâ clar fin dulâ che les fuarcas politiche talianes a intindevin vegn' incuintri a la U F. Cul 1976 si passe a la racuelte des firmes par une propueste di leg institutive de UF: 125.000 son les firmes.

d - Nancje dutes chês firmes a mudarin la situacion, parceche a án concedude al Friûl une Universitât no complete, inutile e çuete; el condicionament de presince de Universitât di Triest al é restât adimplen. Cussi al é necessari che si viergi une gnove fase di lote, cun caracteristiche gnoves.

e - Intant el MF fin dal 1973 al motivave la demande de UF cus les resons di prime, e cun atres che a jerin gnoves te qualitat :

1 - La demande di une UF e fas part dal dirit di autoderminacion cultural di une nacion impar di ché furlane -

2 - La UF no á dome di produci professioniscj, ma ancje culture, une culture nacional furlane, pes dibisugnes de nacion furlane.

III.5.6 OBIETIVS

(U) Quales varessino di jessi les motivacions par vé une Universitât Furlane :

a - El friûl al é une nacion, e compagn di dutes les nacion al á dirit di autoderminâsi la sò incressite cultural; la Universitât a é un daj ipmrescj institucional necessaris a chest pro.

b - La Universitât Furlane a varess di preparâ j zovins furlans in tes disciplines che a son necessaries a la vite economiche, cultural e politiche dal Friûl, e impedi che les professions in Friûl a colin tes mans daj sorevignints.

c - La UF e permettaress a tancj zovins furlans di rivâ a la laure, standche nol domandaress grandes spes di mantegniment.

d - La UF al é un imprest che al varess di produci la culture sientifiche umanistiche e politiche necessarie a la nacion furlane in manier permanente.

E quales varessino di dei les sôs caracteristiche ?

e1 - Institucionalmentri, daldut autonome: une vere Universitât Nacional Furlane.

e2 - Coordinade institucionalmentri cun cheatre universitât de Regjon.

f1 - Fornide di chês facultâts che a coventin a la vite cultural, economiche e politiche furlane.

f2 - Fornide di chês facultâts che no esistin ta chesatres universitâts dongje, e in particular ta ché di triestine.

g - In colaboracion cultural cun dutes les un'iversitâts e j centris di culture di Italie, de Europe e dal mond, in maniere autonome.

h - Unevove preparade, buine di tratâ j problems furlans, traviers la plui avansade culture universal.

i1 - Che vedi la funcion di intçgrâ ancjemô di plui la culture furlane cun che taliane.

i2 - che permeti l'autoderminacion de culture nacional furlane, e che la invalorisi in te libertât.

l - Che sedi lenghisticamentri furlane, in ta sò façade institucional e in taj rapuarts didactics in maniere prevalent.

m - Che vedi une struture interne democratiche, dulâ che a son rapresentades les fuarcas socials furlanes, j students, les comunitâts locals; e no autoritarie.

m2 - Che vedi une struture autoritarie impar di ché de Universitât taliane di cumô.

III.6. LA QUESTION DE ECONOMIE

III.6.1.1 SETOR DE AGRICULTURE - ANALISI.

- (U) a - O dividin les nestres consideracions su la agriculture in Friül land daur di chestes components dal proces di producion :
- 1° el capital - tiere e miess di producion ; 2° el lavor ; 3° el prodot.
- b - La agriculture furlane daspò la uere a é cjpade dentri in tun grand savoltament des sôs caracteristiches structurals, e a devente un setor in crisi. La superficie agrarie utilizade (SAU) e passe di 470 mil ha. tal 1961 a 308 mil ha. in tal 1970. A son bandonades 170 mil ha.
- c - La superficie utilizade a é diminuide soredu in te montagne e in te culine furlane e si é spostade in te planure de Basse.
- d - Grand in percentual al é el numar des picules aciendes in Friül, ma grande a é la superficie des grndes aciendes: 560 proprietaris a én proprietât su 235 mil ha., che a son el 41 % de superficie agrarie regional. In te Basse furlane grandes aciendes capitalistes no furlanes, a én quistade tiere par garantisi un investment sigur, seond el classic comportament colonial.
- e - EL lavor. J lavoratori daj cjamps furlans a son calats des 136. mil unitats dal 1951 a les 79.500 dal 1961 e 41.660 dal 1971 par rivâ cumò a mancul di 30 mil.
- f - La età medie a é t f j 50 - 55 agns.
- g - El prodot. La agriculture furlane, agriculture di autoconsum, e jere ricje di varietâts, ma la crisi a é lade indenant la monoculture soredu de blave. La zootecnie e dutes les cultures che a domandavin grande intensità di lavor a son stades distrutes.
- h - El rapuart CAPITAL/TIERE/LAVOR nus permet di classifica les aciendes in aciendes capitalistes e aciendes contadines. Les aciendes capitalistiches a son cressudes e incressudes in Friül daspò la uere, intant che miars di aciendes contadines picules, dulà che el lavor al supere di tant ala tiere e el capital, én scugnût molâ o vivi sot di un sfrutament unevore cjalcjât. La aciende capitalistiche e á cjpât un bon moment, standche a é je che á determine j presis di marcjât. La picule aciende contadine a é jentrade in crisi cu la introducion e el slargiamet daj rapuarts capitalistics sul teritori furlan, che a én decimade la agriculture furlane.
- i - La nestre agriculture in tal so compless, e dapid di duçj la picule aciende contadine, a é cumò ta chestes condicions: di dipendence : 1° é dependente des pressions economiche- politiche esternes, sei talianes che de CEE ; 2° a é sot el pes daj coscj daj miess di producion sei chimics che mecanics ; 3° no é plu el setor di fonde, ma a é tal miess de industrie chimiche e mecaniche a mond e de industrie di trasformacion a val.
- l - Le Region, e pliu adalt la CEE, a én puartade indenant la politiche di polarizacion des aciendes agricules in te direcion de forme di conducion capitalistiche. La CEE e considere che zones impar dal Friül a vadin di sei destinades a jessi sujors de grande concentracion capitalistiche, seond les dibisugnes gjeografiches dal imperialism. Cussì si favoriss la restauracion des aciendes che in atres perales e significhè che les picules a én di sei judades a muri, e chês grndes e medias, a én di jessi integrades adimplen taj rapuarts economic capitalistics. Gjeograficamentri, in Friül la montagna e la culine, les sedes tradicionals de picule aciende contadine, a son plu che in crisi.
- m - La picule aciende contadine dutcas fin cumò si le á lassade impids propri parceche e jere in tes condicions di no podê vivi cence la assistence publiche. La assistence daj picui contadins, che a vevin di vivi economicamentri in te complete dipendence dal marcjat capitalistic, e permeteve di mantegnî el control politic dal mond contadin de bande de DC. Cussì no dome si evitave la incresse des tensions socials che a saressin derivades de introducion daj rapuarts di producion che a metevin in crisi la picule aciende ma in mó dongje si vadagnave une base eletoral no indiferente. La crisi de agriculture e alimente se stesse.
- n - La DC a é la fuarce politiche responsabile de situacion agricole in Italie e in Friül, e a é el strument dal imperialism che al á destinât al Friül a vé une economie daldut dependente e funcional a les grandes arees gjeografiches dal capital. La crisi de agriculture, in dutes les sôs formes, e compagne la crisi dal Friül. La culture contadine no si é transformade in te continuitat e in te libertat, ma a é stade distrute. La crisi de identitât nacional a é leade strente cu la crisi de campagne furlane. La question de agriculture e reste central in te lote pe solucion de Question Furlane.

III.6.1.2. OBIETIVS

- (U) a - La agriculture furlane e á di diventâ un setor di impuartance fundamentale, in te valorizacion des risorsas nacionals furlanes, e la condicion a é chê di rompi la posicion di dipendence che á in ta chest moment.
- b - El rapuart di dipendence al á di sei rot sei dentri de nacion furlane, gjavand la agriculture furlane dal condicionament de aciende capitalistiche, sei fur de nacion furlane, gjavand ancje la dipendence de agriculture furlane dal marcjat capitalistic che le condicionin sei taj miess di producion sei te vendite daj prodots, cuintri la politiche comunitarie di cumò.
- c - E coventin
- 1 - la espropriacion des grandes aciendes capitalistiches, imprimas ches che a son proprietats colonials di impreses finanziaries no furlanes.
 - 2 - la utilizacion des tieres bandonades, che a son di dá a cuj che al intind di lavoralês.
 - 3 - la definicion e la delimitacion rigorose de superficie agricole in rapuart cun che urbane, che va ridimensionade e blocade fin che la agriculture no torne a resurf, e che cumò e va indenant mangjand a pò a pò e adimplen la campagne.
 - 4 - la formacion di une policulture cuintri la monoculture, studiand plans territorials di dutes les pussibilitâts culturals, seond les condicions naturals des zones.
 - 5 - crevâ la politiche dal assistencialism che á fate la furtune democristiane.
 - 6 - rompi la egjemonie democristiane daj instituts che a sorestan su la agriculture furlan, fasindju diventâ orghins democratics traviers la partecipacion direte e la lotizacion politiche.
 - 7 - incresse de conducion cooperative in te agriculture, no dome in te trasformacion dal prodot, ma ancje in te fase de conducion dal lavor suj cjamps, garancie di autonomie in tes sietis produtives e ancje in tes sietes de plitiche dal teritori; la forme cooperative e vares di diventâ primarie par garantî la inversion de dipendence de agriculture furlane dal assistencialism individual, des sietes dal capital, e a vares di jessi cence atri promovude a scomençâ su les tieres bandonades e tornades a meti in vore, e su les tieres des grandes aciendes capitalistiches espropriades.

III.6.2. SETOR DE INDUSTRIE

III.6.2.1 ANALISI

- (U) a - La industrie furlane a é stade par dimensions e impuartance subalterne al setor de agriculture fin aj agns Sessante. Pòcs ponts di concentracion industrial. Cuj agns Sessante al é incressut un grand numar di picules industries, soredu a caratar artesanal, sparnicades sul teritori, sburtades dal assistencialism de Region, decidude a slargjâ j rapuarts capitalistics sul teritori furlan.
- b - La caracteristiche di fonde a é la sparnicadura di chestes industrie, la sô piculece, la basse composicion organiche di capital, el grand sfrutament dal lavor, di operaris-contadins e di lavoradors a domicili.
- c - Chestes industrie no puess no jessi in tes condicions di no podê regj a les decisions dal grand capital. La basse qualitât tecnologjiche e permet che quandche la producion in Friül di prodots secundaris al grand capital j convegn apostale di atres bandes, ju podarâ fá cence tante fadia. La caracteristiche de industrie furlane in riferiment a les condicions dal marcjat dal imperialism economic a é chê dal decentrament produtiv : la nestre industri a é dome une dipendence cence fuarce dal gran capital forest, che adalt al é tes mans todescjes e americane, e che la CEE a é un so impuartant imprest institucional.

III.6.2.2. OBIETIVS

- (U) a - La nestre sietle a é une sietle di autodeterminacion ancje in tal setor economic, fin dulà che al é pussibil. A é une sietle anti-imperialistiche.

- b - Bisugne gjavâ la dipendence de industrie furlane dal capitalism internacional,almancul sfuarçand la incesite di industries che a ân une grande qualitât tecnologiche,par contrastâ ançe dentri dal marcjat capitalistic occidental la facilitât di sietes esternes sul nestri teritori.
- c - Bisugne favorî la nassite di impreses in te forme de autogjestion,che a garantissin simpri di plui politiche economiche furlane aoti -imperialistiche.
- d - La politiche dal no inlineament si zonte cun chestes sietes economiche, o intind che el Friûl al davanti un puint operativ, di impuortance politiche fundamentale tra la Jugoslavia e l'Italie, o la Europe Mediteranee subalterne, in te sietle dal mond economic che nus puarti fur dal control imperialistic, todesc e amerecan, ançe in tes formes institucionals, che noartris o intindin cu la peraule d' ordin: autogjestion e autodeterminacion.
- e - La politiche dal credit e â disei par inderedâ sul teritori nacional furlan la presince colonial di Bancjes no furlanes, pâr destinâ les risorsas finanziaries incesudes cul lavor furlan dentri dal Friûl, condicionant ju institûts di credit, e soreudt chej che a varessin origenes populars, in tes mans de DC e de borghesie compradore furlane.

IV IMPEGNS OPERATIVS

IV.1. J SOJETS SOCIAJ E CLASSES SOCIALS DAJ LAVORADORS FURLANS

IV.1.1. C' E' CHE SI PUES FA.

- (U) a - meti impids un sindacat daj lavoradors furlans.
- b - scombati dentri daj sindacats indulâ che ogni aderent al é notât, parceche non sedin plui" cinghia di trasmisione" di nissun partit talian e par no lassâ che i partits talians a doprin el sindacat e j soj iscris pe lôr politiche nacionaliste taliane cuntri l' interes dal moviment operari e dal popul furlan (cemud che al é sucedut dutes les voltes des manifestazions dal taremot cuntri la region e el guviar talian).
- c - i militans dal MF a ân di sei simpri in prime persone e in prime file tes lotes daj operaris furlans in difese daj lôr dirits, pal meorament des condicions di lavor, par difindi el puest di lavor e dutes les conquistes dal moviment operari; in cheste acion fate cence pore denant des fabriches grandes e piçules, el MF al á di mostrâ che le lote dal moviment operari furlan e á di sai leade aes lotes par risolti le question furlane.
- d - tes fabriches e in ducj j puecj dulâ che si lavore el militant dal MF al á di cirí di capi e studiâ j problems daj lavoradors, di incesi la lor cussience nacional e di classe, di organizasi cun lavoradors par imponi aj parons (e quandche al covente ançe aj sindacats) solucions justes e corajoses aj problems che si presentin.
- e - el MF al á di impegnasi a studiâ un model di gjestion social o di autogjestion daj miegs di producion che lal dedi aj lavora - dors el control de organizacion dal lavor e dal profit des aciendes, che al incesi la culture e la creativitat di ducj, che al permeti di mantigní j puecj di lavor ançe traviers le riqualficacion e la riconversions des producions.

IV.2. IN RISPIET AJ SOGJETS POLITICS TES INSTITUCIONS

- IV.2.1. El MF al intind di contrastâ el pode economic e institucionâl in Friûl che al cjate espressions imprimes de DC. Ogni leadure (U) cu la DC (sul plan institucional, che o rivarassin a controlâ dome in tune part infinitesime) e puarte a un so rinfuarcement sul plan dal pdé real, che noartris no controlin par nuje.
- IV.2.2. J partits institucionals di çampe (PCI e PSI), a an vude e a ân complicat in te opression nacional dal Friûl, mala complicat dutes e á caratars institucionals (soreudt el PCI) e no la espression di un podâ economic, che impegn al é tes mans di une borghesie che aderiss soreudt a la DC; a cjapin su tes classes populars, che cjatin la fuarce in tes classes populars, e cundut chest interpretin les dibisugnes des classes populars furlanes e de opression nacional che les rivuarde e a cuvargin la opression institucional puartade indenant de DC.
- IV.2.3. El MF al é contrari a ogni politiche di acuardi institucional che al puarti a formules dulâ che si met in vore la politiche di svicinament dal PCI cu la DC.
- IV.2.4. Se el institucionalism (di marcje nacionaliste taliane) daj partits talians di çampe nus impediss di leâsi cun lor in maniere organiche in taj prossims impegn eletoraj, une politiche di alternative a la DC instes a puess jessi favoriale dal MF, parceche :
 - 1 a é une tatiche par meti in crisi el podâ democristian, che si fonde sul control de plui piçule institucion fin a la plui grande
 - 2 se a é compagnade di une penetracion des idees dal MF tes classes populars par meti in contradicion les lor bisugnes storiches cul institucionalesim daj partits talians di çampe, che par pode governâ a varessin bisugne dal MF, e no ân atris juroris standche no ân tanche la DC el podâ economic che ju sostegn (bancjes e clients)
 - 3 e sa é sostignude volte par volte, dome su impegn e obietiv specific, di difur des Zontes (fur che taj Cumuns cu la magjoritarie e pes lor carateristiche proprie) cun scjadences fissades di verifiche.
- IV.2.5. El MF si disimpegne di fá qualsiasi acuardi, cun qualsiasi partit, e di operâ in cuvigne.
- IV.2.6. El MF al considere buine politiche impegnasi ançe institucionalmentri cun qualsiasi parti (DC-PCI-PSI-PSDI-PR-PRI) che al firmi acuardis cul MF, parceche al pense di vé el dovê di no lassâ les amministrazioni cence guvier, e di vé la fuarce di condizionâ
- IV.2.7. In taj comuns cu la majoritarie, si fasin acuardis dome par une alternative al guviar democristian, e dome dulâ che a esistin probabilitas buines di cjapâ el Comun.

IV.3 (U) IN RISPIET AJ PARTITS CHE A ORGANIGIN ATRES NACIONALITATS.

- IV.3.1. El MF al fas acuardis ançe eletoraj pes elecions politiche e europeis ançe cun partits che a organigin atres nacionalitats, a la condicion 1 - che no sedi nissune confusion tra la lote autonomiste pe autodeterminacion nacionalitarie, e la lote dome autonomistiche che no cjape dentri une question nacionalitarie 2 - che no sostegni partits (su la fate Sudtiroler-Volkspartei) che a son in cuvigne organiche cu la DC e cu la gjestre.

IV.4 (U) PES ELECCIONS AMINISTRATIVES PROSSIMES

- IV.4.1. el MF al partecipe
- IV.4.2. el MF nol partecipe
- IV.4.3. el MF al partecipe tes provincies e taj comuns cu la proporcional
- IV.4.4. el MF al partecipe ançe taj comuns cu la magjoritarie, dome dulâ che a esistin probabilitas di une alternative al guvier DC
- IV.4.5. el MF passades les eleccions, al trate a nivel gjeneral (segreteriaes gjenerals cun segreteriaes gjenerals) cun ducj j partits ju acuardis localj.
 - 1 el MF al clame une assemblee publice, passades les eleccions, clamand ançe j partits, dulâ che al aisplas cemud che al intind di partecipâ in te vite amministrative;
 - 2 al met ju j ponts necessaris che a son les condicions par dá el so vôt a une zonte. La zonte a é formade di ducj j partits che acetin les condicions dal MF e ju impegn a son condizionats a une verifiche, dentri di un timp limitat e fissat daurman.
 - 3 se nissun partit al acete chestes condicions, o no les acetes dutes, el MF si riserve volte par volte, daur les contsignines des propuestes di majorance, di votâ cuntri o a pro, seond les indicacions daj organs superiors dal MF (C.E.), cence che les vota - cions a diventin une forme platade di sostegn organico a la majorance.
- IV.4.6. Les trataives cun partits a van fates dal C.E. dal MF, in cuvigne cul grop local dal MF, aprovades in definitive dal C.E. dal MF no in gjeneral ma cu la representance local daj partits.
- IV.4.7. Les tratatives a van fates contemporaneamente in te stesse sede, in tune uniche cuvigne clamade dal MF, cun ducj j partits, e no partit par partit. Cui che al vegn al vegn.
- IV.4.8. el MF si presente dome cul so simbul taj comuns cu la proporcional, tes provincies, te Regjon e tes politiche, cu la scrite furlane e al met simpri capiliste, tancj che a son j candidats che si pense di elei.
- IV.4.9. j militans dal MF a an di fovelâ par furlan tes assembleis eletives publiche, e di obleâ j regolamnts interns a ricognosi el furlan tandche lenghe institucional.
- IV.4.10. la condicion par presentâ les listes MF a é :
 - 1 che in tal Comun che si sieg a sedin un o plui omps dal MF che a son in condicions di fá une politiche sostegnude, e che si á la sigurece che a riessin elezus.
 - 2 in te liste si puedin zontâ atris noms ançe te forme di indipendents.

-3 se no esistin les condicions, la liste no si fâs.

IV.5. (U)

IV.5.1 - El MF al intind di cjatâ une forme di lote paj prossims mes su les questions dal Friûl: 1 - par che si torni a jevâ su la cussien-
ce nacional furlane - 2 par obleâ les furces politiches e socials a cjapâ posicion e a jessi fur a scuviert - 3 par rivâ a sfondâ
aimancul su qualchidun daj obietivs des stesses lotes.

IV.5.2. - Si trate di siegli la strade des propuestes di leg di iniciative popolar - 1 parceche a judin la int a pensâ sê la question furlane
2 - a metin in contradicion el podê e les fuarces politiches refrataries - 3 a é la uniche forme che nus puedi puartâ ai obietivs.

IV.5.3. - Se la iniciative pe U.F. dal 1976 no nus é puartat la Universitât che o volevin, duteas nus á dimostrât che iniciatives compa-
gnes a fasin unevore di pore al pode, che a svein la cussienche pulitiche indurmidide daj furlans, e che no son di fá une volte sole,
ma tantes volte, une daur cheatre, cun tune continue mobilizacion - OGNI AN UNE MOBILIZACION POPOLARS PAJ DIRITS
DE NACION FURLANE.

IV.5.4. - Si proponin dutes in mac, par che la iniciative e vedi plui furce - 1, une propueste di leg su la UF - 2, une propueste di leg
su la question de lenghe furlane (chê dal Comitât pal Friûl de AIDLCO, e presentade ancje dal MF in Region) - 3, une propueste
su la question militar in Friûl - 4, une propueste su la question institucional pe Region Friûl.

IV.5.5. - Che si formi un comitat da les quatri questions, dividut in quatri secjons, metut su su iniciative dal MF e vierte a dutes les
organizacions che a intindin cjapâ part tune o a dutes les questions.

IV.5.6. - Che si metin jû e che si presentin in Region tantes propuestes di leg che a son les questions tratades in ta sec. III, daur ju
obietivs che a son indicats, la presentacion des propuestes di leg e á par cumò la funcion di fissâ un tiermin di riferiment e a les
nestres lotes che a varan di vignî, e al dibatiment politic in tes institucions.

IV.6.1. QUESTION DAL TARAMOT

(U) a - El teremot in Friûl nol á fat atri che puartâ la so distrucion sore che storiche che bilzâ e jere invidrignide te societât furlane.
El taramot al á incelerât j process negatîv che a jerin in vore te strutture soci-economiche furlane:

1 - al á colpît el teritori che bilzâ al jere pui in crisi dentri dal teritori nacional: montagne e culine

2 - al á permetut di fá un salt indenant al process di racionalizazion capitalistiche dal teritori: la distrucion di ce che al reste di
societât precapitalistiche, e la formacion in te fase de "ricostrucion" di plui fuartes dipendences economiche dal marciat estern
- di une fassa privilegjade che ingrume j profits de ricostruzion.

IV.6.2. J SOGJETS SOCIAJ

(U) Dutcâs, al á sburtat el process di autoidentificacion nacional tes classes populars, plui che no in ducj ju agns prim.

Taj prims tîps despò dal taramot les classes populars a vevin dade dongje une fuarte capacitât di autoorganizacion e di lote che

el clientelism dal pode al á spesseât a crevâ cuj provediments a plœ

- Si son formades categories socials privilegjades (tecnicos, impresaris) che el podê al á rinfurcat intencionalmentri par incesi la
classe borghese furlane e distacale ancjemò di plui des classes populars.

IV.6.3. SERVICIS SOCIAJ - OBIETIVS

(U) a - Si indiche dome les lines plui impuartantes e gjenerals di condote su di cheste question: un popul che al viv di secu j le condi-
cion di minorance, di emargnacion, di sfrutament, te sò lote di liberacion nacional al scuén cjapâ su les questions di chej che, tal
interni de societât furlane, a son ancje lôr emarginas, minoritaris, sotans.

b - La capacitât di liberâ de sos cjadenes cheste int al puess sei un spîeli de capacitât dal popul furlan di liberâ de sôs cjadenes

e di fá su une societât el plui juste e plui umane. La lote dal MF e je inalore prime di dut cuntri les institucions totalizantes,

cuntri j ricoveros paj vecjos, cuntri j manicomios, cuntri i colegjos riformatoris, cuntri el fá fente di no viodi in ogni pais e in

ogni borg di citat j alcolizats, j drogats. Il MF al é a pro daj servizis di assistence ator pes cjases, a pro di centris medico-socials in

ogni pais e in ogni borg, a pro di tignî dentri, te comunitât che e impare a judau e a respetau ducj j vecjos, j handicapats ecc.

c - A les "minorances" daj zovins che cun reson" no si cjatin de societât consumistiche di cumò, che par scancelâ la lôr muse, o

vin di dâur propriit tantche partit nacional furlan la pussibilitât di tornâ a cirî les lor ledris: tal ultin ancje le lor malinconie e la

lor dramatische sietle de emargnacion, de droghe e de violence al é une consequence dal imbarbariment progressiv di valors e de

scancelacion de identitât sei individual che coletive de nacionalitât furlane puartade indenant daj massmedia de societât capitali-

stiche taliane. A nus semee che al sedi impuartant che il MF al cjaledi cence pores e cence vecjos pregiudizis les questions e j

compartaments daj zovins di cumò, e no par faûr predicjes suj tîps di îr: el MF al á di sei ancje un partit "libertari" e nol é

cu la restauracion (o reustauracion di ce, de fam e de emigracion? Iche si puess dâ aj zovins la figure di un Friûl plui libar.

IV.6.4. QUESTION DAL TEREMOT - CONTINUACION

Les questions dal taramot é son stades viodudes a lung tal document publicat su FRIULI D' OGGI qualchi mes indaur. A chel si
á di fá riferiment par cheste unitât di argument.

Nus samee di just cumò dome tirâ fur qualchidune des contradicjions che a son vegnudes indenant, dulâ che el MF al á di fá
une sietle politiche:

- al é ben pompâ la retoriche dal furlan sald-onest-lavorador che al fas di bessol

- la retoriche e je une robe e la realtât e je unatre; les baraches e le burocraie e an metut a crud ancje les dificoitâs

e j ategjaments egoistics, che a son perdut

- el MF al cjape su une acion pulitiche e cultural par superâ les formes di individualism e di difese de proprietât esasperades,

proponind come model le partecipazion coletive ae ricostrucion daj borgs e daj pais, indulâ che cun pocje burocraie, sence

imposicions culturals forestes, tal respîet daj dirits di ogniun, si metisi dacuardi par rivâ a tornâ a fá su un borg o un pais cu

la muse des individualitas familiars di une bande e cu la muse coletive de comunitât di cheatre.

- par rivâ a dâ unitat a e ricostrucion di pais, par superâ les barufes, par fá une ricostrucion ordenade si siegl la vie "autoritarie"

el Comun e la Region a fasin dut.

- par respîet 'el individualism dal furlan si lasse massime libertat a ducj: ogniun al fas a mud so; cui che al fas prime e al á plui

beç al ul di che al á lavorat di plui; cui che á le in ritard che si dedi di fá.

- l' impuartant al é fá su di corsa: par rivâ a chest obietiv al va ben dut; grandes impreses di difur, prefabricacion pesante,

autoritarism e anarchie.

- cunt un scîip di programacion si puess proviodi les prioritâs di intervent e ancje se si met un poc di timp in plui, cirî di

respîetâ qualchi regule fundamental tal tornâ a fá su (sedi te urbanistiche che te architecture).

- al covente un mecanisim di control daj presis dal material di costrucion

- si scuègn cence fá privilegjâ prim di dut les zoæ emarginades e puares e les persones emarginades, che seno al vâ a fini

che muerin in baraches e che j pais di montagne de Cjargne e te Sclavanie no tornaran maj plui in pins.

- si á di finile di fá operes publiche inutilis

- par recuperâ el patrimoni edilizi dut ce cheal é di plui di une abitacion di proprietât, che a é tornade a fá su cul contribut

Regional, al á di sei metut a dispacion de comunitât par un pos di sins.

IV.7.1. I SOGJETS POLITICS

(U) J partits de espression dal pode economic (DC par prime) á an viodut tal teremot une buine occasion par meti ju definitives les
lines di politiche teritorial di prim, che a son a la fondê de crisi de nacion furlane.

- I partits di çampe taliane tradicional, a an compagne la politiche DC, cirind di parale des direcions anti-institucionalis

nacionalitaris che a cjapavin les lotes des classes populars. Si contentavin di vé de bande de DC un ricognissiment politic

institucional in te ricostrucion.

IV.7.2. LA LOTE CHE SI E' FATE

(U) El MF al á simpri poades les organizacions populars nasudes de int e les manifestacions (16 di lui 1976 - 9 di gjenar 1978), par
cirî di formâ une resistence che dutcâs no á podut durâ a dilung e menâ su atres direcions la plœ de situacion.